

宋史全文續資治通鑑

三十







理宗四

淳祐五年正月丁酉朔御大慶殿群臣朝賀詔國家以仁立國其待士大夫尤過於厚臺諫乃因得言而釋私憾撫細微而遺巨奸迂謫降黜或出非辜其令三省將見在諸籍人斟酌放令自便追奪停罷亦與酌情牽復其貪酷害民公議弗容者不拘此旨上更新庶政恐人才淹屈故有是詔○又詔邊將興師河南之境鋒鏑所接盍免瘡痍中原遺民皆祖宗赤子朕甚痛之自今邊臣各謹守封疆毋先事首戎益務綏懷大布恩信以副朕愛南北之意○已酉雷○庚戌御筆方春半月雷發非時朕心祇懼當避殿減膳仍詔中外臣庶指陳闕失○乙卯劉伯正罷以監察御史孫起予言其隱默充位也詔以權禮部尚書兼給事中李性傳為端明殿學士食書樞密院事兼參知政事同提舉編修勅令及經武要略○辛酉趙與權加資政殿大學士○二月戊辰詔昨罷科糴但令依時價招糴平糶量革吏奸使民樂輸此後仰常切遵守永毋科抑犯者以違制論○甲戌呂文德進三秩羊洪進二秩旌其

五河湖戰功也○壬辰太白晝見經天○三月庚子以殿中侍御史鄭采上進故事施行彭大雅等罪仍降詔申警中外詔曰時方多事念未能蠲租減賦而吏之不良乃肆貪虐或有前期預借或抑配重催或斛面取贏或厚價抑納股毒五民朕深憫焉可令監司常切覈察務蘇疾苦而銷愁歎倘隱而不問公論所指必罰無赦○甲辰右曹郎中吳子良進對言鹽楮事上曰鹽楮是今日急務子良云舊相行官販商賈坐廢近日罷官販還客販然尚恐貼納太多商賈未便願與大臣熟議之○出十七界楮幣自萬下淮東橋水陸戰守諸軍○壬子禁淫祀○癸丑殿中侍御史鄭采乞括淳祐初所刑糴本鹽可以資糴又省造楮從之○丁巳刑部侍郎趙以夫見言國本事上曰此事實不可緩以夫云臣編類仁宗高宗兩朝定儲本末具載諸臣諫疏及舉行次第庶幾成憲昭然可以早定大計○已未駕部郎官江萬里對言端平更新因及元祐更役法事上曰只因太驟了萬里云君子只知有是非不知有利害上曰元祐君子亦自相攻萬里云此小人所以得乘間而入今收召未多恐元氣不壯無以勝邪氣全在陛下把捉耳前者端

淳祐五年

新更

淳祐



平把捉不定改更不過如紹聖第一番把捉不定更無復新之日矣上首肯萬里又言二相退遜太過中外皆無精采上復肯之○辛酉詔陳畏棄武子年高德粹靖退可嘉其以畏為集英殿修撰武子秘閣修撰○以劉伯正賜資政殿學士提舉臨安府洞霄宮○癸亥御後殿引見吏部奏舉改官二十一人○權吏部侍郎王伯大奏事言及嵩之獨相時鄭起潛濮斗南專失人心上曰數人做盡刻薄事伯大又言國本上曰朕置小學正是為此伯大乞早定大計以慰天下之心○四月己卯詔以今年九月有事于明堂○癸未以呂文德為樞密副都承旨依舊淮西招撫使知濠州○甲申鎮星犯天微垣上相星○丙戌詔劉虎蕭均趙邦求夏皋各進一秩賞清河漣泗招信捍禦之勞也詔呂文德依舊節制濠豐壽宿亳等郡軍馬詔以杜範為觀文殿學士光祿大夫致仕○丁亥以杜範薨輟視朝二日尋贈少傅○戊子詔李魯伯余玠董槐孟珙士鑑賤事修舉加曾伯煥章閣直學士槐進秩珙鑑進二秩並因其任○五月丁未趙葵言諸沙江防極為踈陋乞下沿江制司及副司湖南江西帥司湖廣總所兩浙漕司許浦水軍司共造輕捷戰船一千隻初遊擊軍強壯二萬人分布新船以備緩急從之○詔太常少卿王萬立朝蹇諤古之遺直為郡廉平古之遺清家貧母老朕甚念之特贈集英殿修撰仍撥賜官田五百畝封椿庫十八界楮幣五千貫以贍其家○丁巳詔知鎮江府許堪職事修奉進一秩○庚申詔特賜杜範諡曰清獻○六月丙寅以闕雨詔決中外係囚杖以下釋之命臨安府守臣禱雨于天竺霍山○甲申左司諫謝方叔乞早定國本仍錄仁宗朝司馬光范鎮建議始末以進上嘉納之○以兵部侍郎徐元杰暴卒置詔獄丙戌徐元杰特增四官○七月癸巳朔日有食之○甲午御筆屬茲閔雨之時乃遇日食之異天變示儆惕然靡寧朕當避殿減膳以答譴告凡爾近臣更宜竭忠以輔不逮○辛丑以湯中言常潤大旱恐流民不安令監司郡守措置儲蓄明示振卹之意以江諸郡亦如之命有司舉行寬卹十事○甲辰以禱雨奏告天地宗廟社稷宮觀○乙巳出封椿庫十八界楮幣二十萬賑臨安細民給散三衙諸軍亦如之○戊申命從臣日一人禱雨于天竺山○己酉詔劉伯玉金淵落職罷祠行監察御史劉應起之言也○庚戌進鄭清之為

宗傳五年



少傅○乙卯詔徐元杰鳴陽之鳳劉漢弼觸邪之豸天不勳遺奪我忠臣漢弼母老元杰子弱一貧則同朕甚憫之可各賜官田五百畝新楮五千緡以見懷賢不已之意

**龜鑑曰**或撥田楮以旌遺直或賜田畝以旌忠臣或賜筆札以諭臺諫其導人使諫有如此者或康色以伸直言或賜爵以旌序對或增秩以表封章其忘勢樂善有如此者謂非得舜禹稷聰聽諫之盛心而何

○八月戊辰以河南諸郡秦琳等八人連年在邊戰守宣勞各進三秩添差淮東西兵職有差○詔求通天文曆筭之人○壬申以范鍾為明堂大禮使游侶禮儀使趙葵儀仗使李性傳鹵簿使趙與權橋道頓遞使○丙申詔申嚴預借重催取贏抑配之禁令監司覓祭毋害吾民○九月癸巳朔詔濮斗南吏降兩官文虎葉賁各降一官項谷孫落職罷祠以右正言鄭寀言其附麗權相也○己酉朝獻景靈宮○庚戌朝獻太廟○辛亥大饗于明堂奉太祖太宗寧宗並侑赦天下○十月壬午主管官告院莊同孫對進洪範五事箴上曰五事當於敬字上用工夫讀至思箴上曰五事以思為主○十一月乙未鄭清之乞歸田詔不許○丙申以皇叔祖

太保保寧軍節度使判大宗正寺嗣秀王師彌職事修卒進一秩○壬寅詔更奪林光謙三秩徙居衡州奪袁立儒宣壁王至一秩劉棫施逢辰劉耐兩秩以監察御史江萬里言其貪贓及依憑權門也○甲辰范鍾請老詔不許○以禮部尚書陳韓為端明殿學士同簽書樞密院事尋差同提卒編修經武要略○十二月壬戌朔以祈雪詔大理寺二衙臨安府兩浙州軍并建康府係囚杖以下釋之○丙寅詔昨據太史奏來歲元旦日有食之方歲序之更端值太陽之交蝕凜然謹告震于朕心嘗觀祖宗盛時或有此意上下之間益相敬懼今宜講求實政凡可以銷弭災異者次第行之毋為具文以稱朕祗畏天戒之意○戊寅詔太史奏來歲正月太陽當蝕天示儆戒不同他時朕心惕焉益思恐懼修省自今月二十一日避正殿減常膳求直言朝廷百司講求闕政寬民力卹軍旅緩刑獄問疾苦輯流民凡可以銷菑變者毋匿厥指共圖應天之實元日百官免稱賀○同日又詔兵財係乎國命強兵之事爾葵主之裕財之計爾韓理之二相則總大綱而中持其衡以共濟國事從監察御史江萬里之言也○己卯以游侶為右丞相兼樞

元百  
日食  
修政  
執故  
分理  
共財

聖宗傳祐五年



補文  
公門  
人官  
之修  
明  
之

密使李性傳同知樞密院事鄭清之為少師奉國軍節度使依前  
醴泉觀使兼侍讀仍奉朝請賜玉帶許服繫賜第行在資政殿大  
宰士提宰萬壽觀兼侍讀與惟換授皇兄安德軍節度使開府儀  
同三司萬壽觀仍奉朝請皇弟保康軍節度使嗣沂王貴謙武康  
軍節度使嗣榮王與芮並加少保○癸未詔李性傳除職予郡

丙午淳祐六年正月辛卯朔日有食之上不視朝詔天基節紫宸  
殿上壽集英殿大宴並免○辛卯朔以陳韓言置國用所仍命趙  
與篤為提領官○辛丑宰執以日食乞解機政詔不許○甲辰以  
群臣上表請御正殿復常膳從之○辛亥范鍾再乞解機政不許

○二月辛酉朔詔禮部貢奉○壬戌金部郎官王似對言人主論  
相當取其格心不可取其阿意上然之○戊辰范鍾再乞歸田詔  
進三秩除觀文殿大宰士醴泉觀使○辛未以鍾提舉洞霄宮任  
便居住從所乞也○壬申雪蠲大理寺三衙臨安府并屬縣點檢  
贍軍酒庫所贖賞錢以雪寒山封搭庫十八界楮幣十萬給三衙  
諸軍○乙酉宗正少卿張礪對言治兵理財當為一事上誦范鎮  
財已竭而密院調兵無窮之語曰兵財豈可分為兩事○礪又奏

宋世三十四

先朝蘇頌傳堯俞皆不受宣諭事上悚聽然之○詔三衙諸軍月  
支銀並倍給○四月辛酉太白晝見○壬戌月犯太白○戊寅殿  
中侍御史謝方叔左司諫湯中乞旌異朱熹門人胡安之呂壽察  
模以勸後宰並詔補迪功郎添差本州教授仍令所屬給札錄其  
著述并訪以所欲言○甲申詔曰朕臨朝願治每念之才有意作  
成既親書扁題分賜諸宰并賜諸生束帛以示激勵其令三宰官  
於前廊長諭及齋生中公宰經明行脩氣節之士別議旌賞京宰  
如之○閏四月己未以資政殿大宰士徐榮叟薨輟視朝一日○  
己酉秘書丞王璞進對言杜衍封還內降事上曰朕嘗說與大臣  
聽其執奏矣○庚戌刑部侍郎兼中書門下省檢正諸房公事魏  
峻對言人主震服天下曰斷而已上曰謀之欲同斷之欲獨若以  
大公至正行之則斷在其中矣○五月庚申詔賈似道任責備置  
淮西山寨城築○丙寅吏部員外郎李昂英對言內小宰事上曰  
朕於小宰之教甚留心昂英又言漢末宦官之亂上曰周當防微  
杜漸○庚午詔宰校明倫之地諸生講明一息豈有朕用加之爰  
命有司宰其高第而合詞控免陳義凜然朕重其本心姑徇所

淳祐六年



高斯得奸邪有復出之憂

蔡抗言止心宗社計

請必成其美所有東帛不必控辭○己卯臣奏言趙葵昨陳招兵造船買馬事悉已施行乞嚴飭閩臣激勸將士益東南之長用長江之險從之○甲申詔權知高郵軍兼淮西提刑蕭逢辰進一秩旌其買馬修城留意戰守也○詔決係囚○六月戊子朔詔從事郎傅實之通功郎林公遇並特改京秩仍給札詢所欲言以都省言其杜門樂道播紳高之也○壬辰詔以秋闈在近文弊未革令監李及諸路郡李精加考校崇實黜浮以俟為送○戊戌著作佐郎兼權禮部郎官高斯得對言奸邪有出之憂上曰必無此事斯得又言李校以小過觸霆威上曰其本是小事但不當率眾出見宰執斯得云李校固不為過但恐奸人因此動搖局而關係却不細上然之○丙午以禱雨詔中外決係囚杖以下釋之臣僚言早勢可慮乞分命臣僚徧禱群望仍令有司疎決淹獄及下諸路勸諭富家接濟細民以弭盜賊從之○詔以淮東西制置司申五河濠安射陽河立功將士劉全路曼等補轉給犒有差○壬子以陳韓參知政事兼同知樞密院事○八月庚寅起居郎兼權中書舍人暫兼權侍右侍郎趙汝騰奏事言北司專橫上曰朕近已頗

宋以四廿甲

戢之矣汝騰又言不當調護言官上曰近日少有調護者○辛酉月犯房○己酉以太府少卿劉克莊又名久著史李尤精可特賜同進士出身為秘書少卿尋兼國史院編修官實錄院檢討官○辛亥校書郎兼樞密院編修官兼諸王宮教授蔡抗奏對言止心事上曰紀綱萬化實出於心抗又言內降斜封之弊上曰近日此等事却少若有違碍已許大臣執奏矣抗又言宗社大計上曰今內置小李正是此意祖宗朝亦是晚年方定抗言祖宗時定名号雖在晚年而定計乃在一二十年之前此事最可怕因循上然之○九月丙辰朔秘書省正字林希逸對乞信任給諫上曰朕於臺諫給舍之言無有不行希逸又乞早決大計以慰人望上開納之○丁巳檢校少保寧武軍節度使京湖安撫制置大使夔路策應大使兼知江陵府孟珙賜檢校少師○戊辰以賈似道為京湖制置使兼知江陵府兼夔路策應使仍暫兼權沿江制置副使湖廣總領兼京湖屯田使○庚寅詔以皇弟少保武康軍節度使充萬壽觀使嗣蔡王與丙子孟珙為貴州刺史命入心李又詔內小李宗子孟奎孟業為右千牛衛大將軍尋命並赴朝參○壬子蔡王

理宗淳祐六年



府講李乞改講禮記景獻太子府乞改講毛詩並從之○十一月  
庚申日南至御大慶殿群臣朝賀詔昨令三季各季經明行脩氣  
節之士而諸生合辭控免陳義甚高其令在籍諸生並起來年省  
試一次臨安府李長諭亦如之以稱搜羅之意○丁丑以雪寒出  
封樁庫楮幣賑臨安府細民○辛巳以前四川制置陳隆之殉國  
忘家抗死難可特贈徽猷閣待制於合得延賞外更官其二子  
○癸未以左武大夫福州觀察使知連水軍蕭均少戍邊城忠赤  
可嘉進二秩○十二月癸巳詔侍從基諫各季堪閩寄及餉事者  
述其才器勞績以聞○乙未詔史嵩之依所乞守本官職致仕○  
丙申諸司糧料院章鑑對言玩諫事上曰朕於臣僚論事未嘗不  
見之施行鑑又言諸才上曰人才須是養之於平時臨事方得其  
用○癸丑御筆昨以史嵩之用舍未決紛紛兩年比既施行朕意  
已白士大夫可一志慮以就事功矣二三大臣其為朕就實以用  
人材而以振紀綱飭邊備通財用為急中外有位之士亦務就實  
以卒職業而以躡國事克己私遂民生為本是任賢望治之意若  
坐虛歲月浮于事則朕將誰用可於元日降詔戒諭

○淳祐七年正月乙卯朔御大慶殿受朝賀以將祈穀上帝預  
行天基節上壽禮○詔皇姪孟啓特授宜州觀察使建資善堂于  
內小孝置直講贊讀一員以年稚權就王邸習訓○詔曰朕宵旰  
求治有年于茲若涉淵冰未知攸濟間者任用非人不能秉禮懷  
義以輔朕顧乃陷于非彝敢俗傷教朋淫肆欺群議空涌由朕不  
德朕甚愧焉天誘之衷豁然大悟亦既絀去其黨類取其尤者昇  
之遐方收召眾正是崇是信而史嵩之已俾致其事以示朕決不  
復用之意其於正邪忠佞之分豈不明白搢紳士大夫交奏迭諫  
惴惴欵欵以陳于前忠愛備至抑朕聞正脉充本根固則外邪客  
氣始不能入於今之時思所以為自強之計百爾執事亦宜相戒  
以實克去己私以自公躡國存心謹乃身率乃職裕乃民用輯寧  
我邦家今以月正元日誕告于在位尚祗若明訓○丁卯詔戒救  
州軍縣鎮不許因誕節賜宴多殺物命一遵景祐三年詔書仍刻  
石所在放生池○戊寅詔准浙發運司給米二万石濟建寧邵武  
諸郡被水之民○以兵部尚書兼侍讀吳潛知貢舉權兵部侍郎  
兼直學士院應詔起居舍人兼國子司業黃自然同知殿中侍御

聖宗厚意



張周  
子容  
忠節

律  
三邊  
士人

鄭清  
之右  
相  
游  
龍相

史周坦監試○二月乙酉朔御筆付吳潛以下崇雅黜浮俾得士  
 用○庚寅都省言淮安縣主簿周子容遭逆全之變陷北十有六  
 年數以謀密間邊聞拔身來歸志行可尚詔特改朝奉郎與陞  
 擢差遣○壬辰詔十七十八界會士更不立限永遠行用○丙申  
 詔四川沿邊州縣官任滿日轉循官資有差從制臣請也○己亥  
 以貴妃賈氏薨輟視朝二日○乙巳詔翰林李士李韶屢疏請老  
 特授端明殿李士提奉隆興府王隆禹壽宮○丁未詔令封樁下  
 庫支十七界會子十二萬貫付淮西安撫司造舩艇船○壬子詔  
 出封樁庫十八界會子五萬貫付臨安府津遣三邊請李士人歸  
 里以所乞省試難從故有是命○二月甲子知太宗正承兼權金  
 部郎官姚希得進對奏李韶老成有德望宜留奉內祠侍經幄○  
 戊辰詔李韶依舊端明殿李士提奉萬壽觀兼侍讀○庚午命從  
 臣一人禱雨于天竺山○四月庚寅詔昨以理財分任正欲責成  
 歲三易官未見成效檢正都司專務經理詎宜付之悠悠可諭朕  
 意使協力自公共濟國事○辛卯詔雨澤愆期決中外係囚杖以  
 下釋之詔潭州縣令魏夢極棄邑避寇司戶參軍吳焱違帥臣指授

安監三十四

致收縣令黃端卿輕率而死各鐫兩資○丁酉廣西經略司劾知  
 廣州張公明貪暴不法詔削官二等南安軍居住○庚子以刑部  
 尚書王伯大為端明殿李士僉書樞密院事翰林李士知制誥吳  
 潛端明殿李士同僉書樞密院事○四月辛丑以鄭清之為太傅  
 右丞相兼樞密使越国公游佖罷相為觀文殿大李士體泉觀使  
 兼侍讀趙葵樞密使兼參知政事督視江淮京西湖北軍馬陳韓  
 知樞密院事湖南安撫大使○庚戌以禱雨未應詔錄中外係囚  
 並減一等杖以下釋之蠲大理寺三衙臨安府屬縣見監贓賞錢  
 ○壬子廣西曹臣劾貴州守臣陳鑑迫脅考試官私取士人壞科  
 率法詔再鐫一秩勒致仕○五月甲寅詔武功郎揚州寧淮軍統  
 制張忠戍守浮山手搏首俱死于水特贈武略大夫更官其一  
 子○乙卯以禱雨未應詔諸路提刑司及州縣見拘罪囚非情理  
 巨蠹者並釋之○丙辰詔參部人因礙小節久淹逆旅者令吏兵  
 部權與主授○己未禱雨于天地宗廟社稷○戊辰以遂寧府觀  
 察支使趙希涓監試驚率詔削一資○己巳詔賜兩淮京蜀曾經  
 入之地田稅三年其宿逋悉除之○壬申吳潛兼權參知政事

皇宗示海防七年



因早  
詔收  
奏

○乙亥以權吏部侍郎兼中書舍人趙汝騰充殿試詳定官權工部侍郎兼直學士院九疇左司郎中尹煥同詳定○丙子御集英殿策進士○六月癸巳御集英殿賜正奏名進士張鼎微等及弟出身凡五百二十七人○乙未賜特奏名進士勅凡七百五十人○丙申詔曰朕德弗類無以自媚于上下神祇留變薦臻以戒不治迺者冬無霜雪土膏弗滋稽事方與雨不時若背春涉夏漸成曠乾農疇蓋有以種不入土聞者其將何以格歲穰續民食並走群望敬恭明神非不吁嗟有求加應罔吝至于庚伏旱勢益張切迹災異之來端不虛發朕不勝憂懼其避正殿減常膳側身修省匪曰具文二三大臣盍相與及忠竭力尚所以銷變救災之實朕躬有過及時政闕失應中外文武臣僚暨于士民皆得悉意指陳毋有所諱布告天下咸體朕懷○甲辰出豐儲倉米三十萬石以平糶價○巳酉詔旱勢日甚但于朕懷變不虛生厥有攸致兩淮襄蜀嘗經入江閩內郡間因寇作遺骸暴露感傷和氣令所屬州縣收瘞之○詔京湖北路副總管王英赤心歸順進官二等○七月甲寅進士及弟張淵微等言天久不雨乞免瓊林錫宴禮

丙辰詔荆鄂都統司

庚申安慶守臣

從之○丙辰詔荆鄂都統司听京湖制帥司節制池州建康府鎮江都統司並听以江制司節制許浦都統司仍听平江府并浙西都大提李兵船司節制江州都統司改听與國蘇黃安慶四郡節制從督視趙葵之請○己未月入心○庚申安慶守臣歐陽頤已改差輒之任詔前官二等令憲臣謝獻子領郡事○壬戌御射殿閱正奏名進士射○詔解免除授實為繁文除侍從臺諫給舍兩省左右史以上許辭免餘官不許○癸亥閱特奏名進士射○乙丑吳潛罷以端明殿學士知福州丁知以別之傑為參知政事諫議大夫鄭采為端明殿學士同簽書樞密院事○癸酉詔賞浙西福建路監司州郡所申官士之家濟粟者凡九人補轉官資有差○八月甲申鄭采罷○丙戌詔令戶部嚴革諸路州縣增收多量苗米之弊○辛卯詔石鈞陳大任王方烈各鑄一秩其誣平民為重辟謝思又張懋各進一秩旌其平反之功從湖北憲臣之請○巳亥以秋風已勁邊備當嚴浙右四郡密邇行都魏村福山柴墟一帶宜預為之備詔守臣條具措置○辛丑詔前通判彭州宇文景訥罵而死特贈官二等仍與一子下州文孝○壬寅詔監

理宗皇帝七年



臣寮  
言格  
第十

司守臣宜亟講荒政以賑乏絕稅租有合蠲減者覈實以聞○甲辰以高定子薨輟視朝一日贈少保○九月丙辰詔命官該赦陳乞改正不拘期限今後赦條刪去限一年內四字從左司程元鳳之請也○丁巳詔改尚書省提領鹽事所為提領茶鹽所○甲戌太傅右丞相越國公鄭清之奏將回授太保一秩追贈四世祖詔從之○十月辛巳太白晝見○詔荆湖副都統李得討桂東峒寇有功進官一等○癸未朝獻景靈宮以嚴州旱詔豐儲倉給米萬石賑粟○丙戌京湖安撫司調兵平辰沅蠻徭有功總轄張謙統制高天祐等賞賜有差○己酉臣寮言格法日壞天下視听益不美因條陳添差攝局須入奏辟改任薦幸借補曠職匿過十弊乞風示中外從之○甲寅以鎮江府旱詔兩浙轉運司檢覈蠲租七萬四千石有奇○十二月壬午以趙與憲為端明殿學士提領戶部財用○庚寅以近畿旱詔正歲天基節大宴權免其州郡錫宴務從省約毋得科擾以副朕敬天愛民之意○辛卯以李鳴復薨輟視朝一日○壬辰詔程九万陷北十一年脫身來歸條陳中事宜有益備禦特補迪功郎

卷之四

九

乞欽  
崇炎  
帝後

申明  
格法

淳祐八年正月甲戌嗣榮王與芮奏男子孟啓蒙恩建資善堂以私家未便乞寬開講之期從之○丙子太常寺言檢照中興禮書四孟朝獻景靈宮分三日行禮自淳熙十五年後分作兩日近年諸后殿多命宰執分詣如遇車駕次日親臨每位三上香一跪奠俛伏興再拜得禮之宜詔依○丁丑侍御史周坦言春秋釋奠于先聖禮典至重比年樂奏未終徹俎紛紛大不肅目今乞令監祭官糾察以聞從之○二月戊子月生黃白暈○癸巳雹○乙未雷○辛丑荆湖帥臣陳韓奏國家以火德王於火德之祀合加欽崇炎帝陵在衡州茶陵縣廟久弗治乞相度興修以稱崇奉之意從之○丙午周坦奏乞申明七十八界會子並永行用以堅民信左司趙汝旣請更造十九界太博黃洪請不用會子停賣鹽鈔狂言惑眾乞正妄誕之罪詔各免所居官○丁未監察御史陳垓奏乞宣諭輔臣申飭吏部未歷郡者不許為郎已為郎者更迭補外未歷縣者必令須入已作縣者須及任滿闕次必依先後毋或改差庶幾抑僥倖以重名器從之○三月甲寅督視趙葵上將士泗州解圍之功詔奇功特與補轉四官資餘補轉有差其淮西招

理示再祐八年



撫司應援立功將士併與比類推賞○已未嗣榮王與芮奏男孟  
 啓尚幼乞就臣家訓習詔令權就王邸教導所有資善堂禮例並  
 依舊典○乙亥陳垓言民命與國脉相維獄訟不當刑罰不中則  
 無以保斯民之命脉尚何以保吾國之命脉因極言檢覆決獄疎  
 決推勘拘鎖刺環奏裁詳覆重勘追證十弊從之○四月戊寅朔  
 臣察言兩界會子既永行用宜立殿最之法以為稱提之助從之  
 ○已未詔宜州觀察使孟啓用四月十五日就資善堂講○癸未  
 詔督視趙葵累奏結局朕閱勞念功深有勤歸之意但北兵雖退  
 邊備當嚴更宜勉留以副隆委○戊子詔以今年九月有事于明  
 堂○辛卯權禮部侍郎兼國子祭酒徐鹿卿言生員李寧先飲酒  
 爭競見害市人辱李校玷士類由臣誨飭無狀乞行罷斥詔覽卿  
 所陳痛自引咎此固師儒之責但學校規矩玩弛今當申嚴宜自  
 安職○壬辰詔令歲明堂惟事神儀物諸軍賞給悉循舊制其乘  
 輿服御中外用度並從省約令有司條具以聞○甲午以太常寺  
 奏請景靈宮行事日乞更定后殿饗禮拜跪之數詔朕祇承宗廟  
 何敢憚勞可一依舊式○乙未朝獻景靈宮○丙申亦如之○已

與進二一四

十一

亥詔三省樞密院六部寺監各遵守自來條法不得引援弊例違  
 當重罰○庚子詔臨安守臣趙與篤充明堂大禮提點事務○五  
 月庚戌以關雨詔錄行在繫囚○壬戌諸王宮大小學教授李桂  
 高進對言淮蜀之險上曰及此閑暇之時當作規模備禦○督視  
 樞密使趙葵奏乞結局詔候來春入奏○癸亥詔趙葵視師于外  
 今已暮年忠力具宣威聲綽著既成卻敵之效復宏預備之規肯  
 為朕留尤見體國可無恩典少示褒崇特進三秩依前樞密院事  
 兼知參知政事督視江淮京湖軍馬兼知建康府江東安撫使行  
 宮留守仍加恩○御書李輝接近廛市非所以肅觀瞻示崇教可  
 移揭中門其外門及裏偏門出入之制做秘書省施行○乙丑詔  
 陳韓出鎮南服備殫忠勤軍民安平蠻徭綏輯特進一秩依前知  
 樞密院事湖南安撫大使兼知潭州節制廣西余玠除兵部尚書  
 依舊四川安撫制置使兼知重慶府仍兼四川總領夔路轉運使  
 賈似道除刑部尚書依舊京湖安撫制置使兼知江陵府兼夔路  
 策應使仍兼湖廣總領岳岳除兵部侍郎依舊淮東安撫制置使  
 兼知揚州兼淮西制置使呂文德除侍衛馬軍都指揮使依前保







壬子莊文太子府乞改講周易從之○甲寅監察御史陳垓言祀者國之大事三歲明禋於蠶多非本物皆是自科市戶仰尹臣監督各備正色毋以他物充代仍令奉常一體精虔庶幾神祇祖考昭格從之○十二月辛巳詔以隆冬嚴寒軍人不易出封樁庫十八界官楮二十萬令三衙賑之

淳祐九年正月乙巳制以皇姪宜州觀察使孟啓可特授慶

遠軍節度使進封益國公○庚申詔周世宗八世孫柴彥頴特補

承務郎襲封崇義公○詔兩淮京湖沿江制帥司行下所隸勸諭

軍民從便耕種秋成日官司不得分收○癸亥知臨安府趙與憲

奏乞給沒官田五百畝有奇付本府創慈幼局以養遺棄嬰兒置

施藥局以療閭閻疾病從之○丁卯許應龍薨○己巳范鍾薨並

輟視朝一日○辛未詔給臨安官田三百畝付表忠觀以旌錢

氏之功德○二月癸卯詔禮部貢舉○丁亥詔刑部及諸路監

司刑獄案卷速與理決仍差屬官往州縣獄審斷毋令姦胥作弊

濫及非辜○庚子鄭清之再乞歸田里詔不許○辛丑監察御史

朱景彝刑獄民命所繫乞論所司別諸處已奏文案立為限日

勲分行之從之○閏二月癸卯詔安南國王陳日照特賜効忠

順化保節守義懷德歸仁功臣依前靜海軍節度觀察勲置等使

特進檢校太尉兼御史大夫上柱國安南國王仍加恩○甲辰以

鄭清之為太師左丞相兼樞密使進封魏國公趙葵為右丞相兼

樞密使應繇謝方叔並參知政事陳韓觀文殿學士福建安撫大

使知福州吳淵端明殿學士江制置使江東安撫使兼知建康

府行宮留守趙希堅端明殿學士知建寧府○乙卯鄭清之辭免

太師奏凡五上詔朕延登上相顯拜維垣所以重岩石之瞻尊道

揆之體周公為師而居左圖任方隆考父聞命而循墻陳情彌確

成爾一謙之美姑惟舊品之仍益賴熙良深可嘉尚○三月癸酉

朔以衢信州旱詔給豐儲倉米五千石賑之○癸未以賈似道為

寶文閣學士京湖安撫制置大使知江陵府○丁亥詔正陽之月

日有食之史官先期以告朕祗畏天戒不違寧觀可自二十一日

為始避殿減膳徹樂益加內省凡爾在列各務交修以輔不逮○

癸巳詔決中外繫囚杖以下釋之○己亥詔增通泰揚真和州安

慶府解額○四月壬寅朔日有食之○丙午詔丘岳闡職修舉除

理示淳祐九年

封世 宗後 趙葵 鄭清 趙葵 鄭清 趙葵 鄭清

鄭清 之左 相趙 蔡石 相蔡 鄭清 之辭 鄭清 之辭 鄭清 之辭



鄭清  
之乞  
因奏  
時事  
十難

詔邊  
為  
將士  
上朝

實李  
實惠  
政

寶章閣直學士依舊准東安撫制置使兼知揚州淮西制置使○  
辛亥以福州應天啓運宮寅奉祖宗神御事躰至重可令西外知  
宗兼領免差內侍永為定式○己未群臣三上表請御正殿復常  
膳從之○己巳鄭清之屢疏乞骸因奏時事十難曰重相權曰疑  
國是曰用人才曰足兵食曰守法度曰革弊蠹曰布公道曰去貪  
賊曰理財用曰節冗費詔獎留之○五月甲戌浙西帥臣趙與鷺  
言本司措置鹽課乞自淳祐九年為始歲舉職司常負及職令狀  
各一以勵官屬從之○己丑右丞相趙葵奏乞收回成渙退伏田  
里詔朕以卿宣力之勤延登右揆告廷已久避寵益堅比遣內侍  
往諭至意申命漕臣式逆其歸胡為來章又以疾諡夫知不後駕  
之義是即教事君之禮豈不忠孝兼盡家國俱榮哉其亟造朝副  
朕欽仰○甲午鄭葵薨○丁酉兩電○六月丙寅都省言公邊將  
士有歿於王事者雖已褒贈官其子孫猶當旌表以顯忠節詔令  
邊郡各立一廟以褒忠為額凡前後歿於王事忠節顯著之人並  
祠焉郡官春秋致祀○七月庚午朔臣僚言吉州守臣李義山嗜  
賄亡恥詔奪官二等令江西漕司追索銀會解安邊所○八月庚

子朔同知樞密院事史宅之辭免兼提舉財用詔不許仍趣條具  
以聞○丁未詔步軍司支遣贖乏每年可於豐儲倉給米三千石  
封樁庫給官會二萬貫助其贍軍○辛亥詔趙葵除拜已久告假  
將滿今聞欲還長沙可令沿江制臣疾速差官邀止不許般挈為  
歸計仍令吳淵宣諭赴闕○乙卯廣東提舉司言知潮州海陽縣  
陳純仁築堤護田甚廣詔進官一等○丙辰趙與鷺辭免措置戶  
部財用詔不許○戊午詔令春北師紀邊呂文德指授將士累策  
奇功進官二等○庚申知安豐軍邢德知壽春府劉雄飛有謝步  
之捷詔各進官一等○九月丙子提領戶部財用趙與鷺創置新  
倉三百七十餘間貯米一百二十萬石欲以淳祐為名及照豐儲  
倉例辟官四員從之○乙未婉容閻氏進封貴妃○丙申太常少  
卿暫權給事中盧社父繳回內降所除吳沂直秘閣王國壽軍器  
所幹官錄黃從之○戊午以知澧州李寬民力行惠政一意裕民  
特進一秩○庚申參知政事應繇累疏乞歸山林以便養病詔不  
許尋除資政殿學士知平江府○詔令臨安府諸路提刑司嚴奸  
民銷鑿見錢私鑄銅器之禁仍下殿步司一躰施行○癸亥賜宰

理宗淳祐九年



縣令  
貪酷  
刑官

刑部  
條限  
報斷  
案

論輔  
巨優  
權丘  
通書

臣執政講讀修注官宴于秘書省○甲子四川制臣余玠請交引以十年為界詔從之○丙寅肇慶府高要縣令李元廣貪酷顯著詔削官三等勒停○壬午詔隆冬嚴寒軍人不易出封樁庫錢十八界會子二十萬貫賑之○癸未詔決中外係囚杖以下釋之○甲申蠲大理寺三衙臨安府屬縣見監贓賞錢○丁亥浙西帥臣言金山水軍統制陳霆貪酷激變詔追毀出身文字拘鎖松江制司籍其家○戊午婺州權守臣鄭士懿言承務郎趙希禔及其子與志與慙同惡相濟高藏盜賊騙奪民財挾弟希禔目睛碎叔祖彥璋生具棄叔祖母骨殖捉叔枚夫手指威使惡黨殞姪崇縵之命絕滅綱常傷殘骨肉詔希禔追毀出身文字押送西外宗司拘鎖與志與慙分移千里外州軍居住○丙申詔令都省風厲中外應今後士庶上書其言真有益於國者必加精採倘涉私邪朋奸罔上妄肆雖黃當嚴加究問以諫臣言諱徒吻士結黨扣閣黃鼓是非為攪利之計故也○十二月乙巳詔吳潛除同知樞密院事兼參知政事禮部尚書徐清叟為端明殿學士簽書樞密院事○己酉詔皇后親兄謝奕昌特除開府儀同三司依前保寧軍節度

卷之二十一

十一

充萬壽觀使奉朝請○壬子史宅之薨輟視朝一日○詔朕深念厥紹建資善堂令子孟啓就學朕志已定以其年幼未遠姆傅尚留王邸今先欲賜名可討論紹興二年典例聞奏

淳祐十年正月辛未天基節群臣上壽詔刑部及理寺奏報罪案各守條限申嚴諸路憲司凡獄訟毋得淹留致連年拘繫違令臺諫覺察以聞○乙亥詔准東制臣丘岳自能擗節軍用乞將朝廷例合支一千万貫免科委見躰國特進一秩○辛卯以朝議大夫試給事中兼侍講董槐知貢舉權禮部侍郎兼侍讀張礪殿中侍御史葉大有同知兼監試○二月丁酉朔雪御筆賜董槐以下曰卿等老於文學秉司衡鑑以賦而得仲淹以論而拔蘇軾顧不偉歟貢舉成法最為嚴重宜加申儆以取實才○詔榮文恭王府講通鑑綱目社文府講朱熹論語集解○甲辰上諭輔臣鄭清之曰丘迪嘉言早登對朕以廣寇詢之其言皆有始末峒寇既平當加優擢向來寇作之初或者張皇以甚其事及其平定又言多殺以姑其功若以浮議而抑之他日何以使人宜以正卿勲之清之奏謹遵聖諭○乙巳都省言銅錢泔漏偽會充斥奸民無所懲

理宗淳祐九年



畏詔令公海州縣山隩海島結為保甲互相糾察如有犯者及停  
 藏家許告推賞不告連坐○乙卯兩土○癸未趙葵乞收還成澳  
 徑昇祠官○詔趙葵讓辭相位始終弗渝使命趣召亦既屢矣奏  
 陳確苦殆渝一替朕眷倚雖切而不能強其從也姑昇內祠以便  
 咨訪除觀文殿大學士體泉觀使兼侍讀仍奉朝請令學士院擇  
 日降制○戊子趙葵罷右丞相兼樞密使特授觀文殿大學士體  
 泉觀使兼侍讀奉朝請○庚寅以賈似道為端明殿學士兩淮制  
 置大使淮東安撫使知重慶府李曾伯猷猷閣學士京湖安撫制  
 置使知江陵府○四月辛丑右司諫陳垓言改官班引之人先令  
 赴都堂或御史臺各試書判合理法者許集注如不通且令為承  
 再試中方與入從之○癸卯朝猷景靈宮次幸龍翔宮○五月丙  
 寅朔以皇叔祖福州觀察使提舉祐神觀善珩為保康軍節度使  
 提舉萬壽觀襲封嗣濮王○詔吳淵久歷從班屢更事任茲領江  
 閩備竭忠勤山寨耕屯俱就規畫除資政殿學士依舊職任與執  
 政恩數○六月丁酉龍翔宮奉安感生帝及從祀聖像仍備祭器  
 比附太一宮禮例祈祝○上命輔臣申嚴百司用例廢法○丁未

六十五三二四

詔冒濫權攝之人日下任罷○丙辰知藤州楊璠奪官三等以經  
 略司劾其在任推剝貪刻虧公營私故有是命○七月癸酉左司  
 諫陳垓言祖宗治賊吏之法具載國史今州縣官吏職敗或致營  
 求脫免是致廢法乞下諸路制總監同遵守仍許臺臣覈察從之  
 ○丙子上諭輔臣曰在法詞訴須經次第官司其臺部受詞所當  
 參酌兩造豈宜遽憑單詞剖決致使所屬觀望曲直倒置可令御  
 史臺戶刑部遵守○庚辰詔殿試改用八月十五日○戊子詔兩  
 淮極邊作邑人照川廣例令監司引試書判○八月甲午朔詔令  
 戶部嚴革諸路州縣增收多量由米之弊○戊申御集英殿策進  
 士○己酉御射殿閱武舉進士射○甲寅上諭輔臣曰和余本非  
 朝廷之得已若官司奉行無擾則人戶自樂與官為市訪聞近年  
 所在和采未得朝廷拋數預行多敷富室大家臨期率以賂免而  
 中產下戶反被均敷之害以至散錢則吏胥減克納米則斛面取  
 贏專計誅求費用尤夥是致民間所得和采每石幾耗其半其何  
 以堪可申嚴約束○九月己巳御集英殿賜正奏名進士方夢鼎  
 等及第出身同出身凡五百一十三人○辛未賜特奏名進士勃

聖示淳祐十年



立郡 庠校 謀起 上座 補試

後期 清之

褒余 珍理 蜀八 總之 勞 雷變 詔訪 民疾 苦

凡六百一十五人○甲戌詔進士第一名方夢魁改賜名逢辰○  
 戊寅詔去歲嚴州水患田租其悉蠲之○十月丁酉詔訪聞郡邑  
 間有水患細民流移恐致失所可令逐處出義倉米量輕重多寡  
 賑之務在實惠均及○癸卯御集英殿閱進士射○丙午詔賈似  
 道乘邊給餉服勤八稔九備禦修築之費自為調度尚有餘蓄殊  
 可加獎可進官一等○詔國家以儒立國士習嫫惡世道所關端  
 平初增諸郡解額寢漕闡牒試正欲四方之士安鄉井修孝悌以  
 厚風俗比歲殊失初意可令逐州於每舉待補人數內分額之半  
 先就郡庠校以課試取分数及格者同待補生給據赴上庠補試  
 其天府一躰施行○辛酉詔戒兩淮都統司王兵官今後行罰不  
 許輕用眷棍以傷人命○壬申詔新除右丞相趙葵謙退靜恬力  
 辭相位至內祠經懺避如初勉諭不回乞虛倚注之意朕甚念  
 之特畀鄉郡以示光寵以旌眷懷可授特進觀文殿大學士判潭  
 州湖南安撫大使○詔給度牒千道下臨安府易民間兩界破會  
 ○癸酉詔准西疆場延袤八百餘里近令松江制司團結耕屯漸  
 已就緒但制閩置司江南相去差遠可令淮西提舉李士達就司

文成五二十四

十一

空山創司提舉本路山寨○甲戌太傅左丞相鄭清之再乞歸閑  
 詔卿以舊學元勳再登輔弼精神密契魚水相須當與宗社同休  
 詎可輕為去就及將閑暇正藉經綸更宜堅定宏規力待公是躰  
 承眷意勉為朕留庶幾黃髮之詢是亦蒼生之福所祈閑退毋復  
 重陳○辛巳日南至○詔余玠任四蜀安危之寄著八年經理之  
 功不近邊歲則大稔既寢還於舊觀將益懋於遠圖疇其忠勤  
 足以褒勉可進官二等○壬午雷○癸未詔避殿減膳以示恐懼  
 修省之意令諸路漕臣守臣躰訪民間疾苦當議優恤○丁亥詔  
 曰朕以涼菲受天明命夙夜祗敬不敢荒寧迺長至後一夕雷聲  
 非時震于朕衷罔知攸措夫乖氣致異亦變繇證起皆朕不德朕方  
 避正殿減常膳以恐懼修省惟爾公卿大夫群牧百執事各殫乃  
 心揚乃職裨朕不逮昭答譴告用永孚于休布告中外明知朕意  
 ○參知政事謝方叔吳潛僉書樞密院事徐清叟並乞解機政詔  
 不許○十二月壬辰朔太傅左丞相鄭清之乞去詔不許○丁巳  
 虹○監察御史程元鳳言臺諫所以植立紀綱不可使臺諫之躰  
 輕從之○詔監司郡守被劾斥者令以次官隨即拘確錢物量給

聖示淳祐十年



資善堂用重士

送還之費庶絕吏席卷亦愛惜民力之一助從臺臣程元鳳請也

淳祐十一年正月丁卯制以皇姪慶遠軍節度使益國公孟

啓可改賜名拔進封建安郡王依前慶遠軍節度使○丁亥詔江

浙沿流郡縣刷具流民口數於朝廷橋管錢米內賑濟仍許於寺

觀及空閑官舍居住○己丑監察御史程元鳳奏陛下以神聖之

資接帝王之統思祖宗付託之重為社稷久長之圖元正謹始宸

筆渙頒懋嘉宗英之賢誕舉錫名之典爰即公社用進王封于以

隆萬世之基于以係四海之望溥天率土雷動騷聲甚盛舉也然

資善有堂講讀有官所願博選端方純謹之士增置輔道贊翊之

員下至給使服役之人皆有重厚篤實之行使之出入起居無有

不正動靜語默無有不善此實千萬世無疆之休從之○詔經筵

進講周易終篇講讀修注官各進一秩餘補轉賞稿有差○二月

壬辰詔故同知樞密院事李稟早從諸老歷事三朝史學優長風

節堅正已久謝事猶未易名賜諡文肅○乙未御垂拱殿左丞相

鄭清之等上光宗皇帝寧宗皇帝寶訓今上皇帝玉牒日曆會要

宋史二十四

十七

試卷官一員○壬申詔諸道制總監司州郡不得以堂除部注之

闕撓越申辟縱元係辟闕若見任有人亦不許預辟下次仰常切

遵守違將來辟人降罷○乙亥兩土○三月戊寅以謝方叔知樞

密院參知政事吳潛參知政事徐清叟同知樞密院事○戊子臣

察言刑獄追逮鞠訊慘酷囚禁淹延遂戒飭中外用敬五刑及申

儆百司庶府監司守倅不許以私怒寄收者不許過三日違者彈

奏從之○四月壬辰詔賜殿前司十七界會子十萬貫緡千匹步

軍司五萬貫緡五百匹○椿留濟給貧乏累重官兵○己亥以潭

州林符三世孝行一門義居福州陳氏并年守志壽逾九表詔並

特與旌表門閭○鄭清之等上勅令所導祐條法事類肆伯冬拾

卷○上諭輔臣曰昨覽京湖報程璉盧氏縣之捷差強人意朕以

寡昧服祖宗之令緒兢兢不敢荒寧適值十六七年應酬不暇臣

清之奏自古事業專在立志臣方叔奏今日實有機會會臣潛奏今

日嘉體漢中為四蜀之首襄陽為京湖之首淳光為兩淮之首此

當在陛下運量中臣清叟奏願陛下益厲自強之志上曰內修之

事又當結人心貪官汚吏為民害者不可不嚴加懲戢○壬寅上

學執  
奏乞  
立志  
丙修  
之事  
以心



應父  
四害  
麥

勳法  
崇宗

久雨  
寬恤

諸求  
遺書  
及名  
儒著

諭輔臣曰邊事他無聞否遷避之民已復業否方叔奏近來二邊幸無他警淮民之遷避者皆已歸耕其貧甚者閭制司亦少資給之矣○癸卯詔以今年九月有事于明堂○乙巳上諭輔臣曰積雨於二麥無害不消之奏目前雖不為過然得晴則佳臣方叔奏二麥似無害蚕事惡寒恐少減分數上曰淮上諸城惟合肥濠陂差淺可諭許堪令其開浚○丙午詔資善堂已及滿歲慈讀表商直講陳顯伯檢閱劉昕祖曾默提點內侍王椿幹辦鄧惟聰各進一秩餘減磨勘支稿有差○戊申上諭輔臣曰近日內引丞相朕因及祖宗家法之懿者數條如敬天愛民克己節儉不罪言者皆漢唐所不及朕謂不必遠稽前代只近法祖宗足矣○己酉上諭輔臣曰祖宗時遇親邸恩禮隆厚如歲時賜予甚優然訓迪範防之制尤嚴賓接有禁內外有限近聞有媵妾外館者有干預他事者殊矣家法所由申嚴清之等遵稟而退○詔勅令所進呈淳祐條法事類禮畢鄭清之謝方叔吳潛各進一秩○庚戌樞密都承旨兼權吏部侍郎陳昉奏今尚書省樞密院應劄子非降旨者必先繳進批降而後施行可謂盡善然樞密院之法與尚書省不同

宋監二十四

十一

或邊事正急或盜賊忽熾機變倏聞酬應宜速小有需俟關係匪輕乞令樞密院自今邊防及盜賊急務且奏且行勿拘常程從之○五月丁卯詔趙以夫劉克莊同共任責修纂國史志傳以全大典日下條具以聞○癸酉以久雨蠲大理寺三衙臨安府屬縣見監贓賞錢○辛巳詔出封樁庫十八界會子十萬貫給諸軍○壬午詔決中外繫囚杖以下釋之復蠲贓賞錢○六月甲午詔余玠整頓蜀閬守禦飭備農戰修舉蓄力俟時期於恢拓茲以便宜自為調度親帥諸將行邊擣壘捷奏之來深用嘉歎勉規雋功以遂初志圖上全蜀以歸職方嗣膺殊徽式副隆倚立功一行將士速與具奏推賞○乙卯秘書省言乞辟校勘檢閱等官仍行下諸路漕司於所部州縣應有印本書籍解赴冊府以補四庫之闕及故家巨族必有遺書山林名儒豈無著述許令投進照格推賞從之○七月甲戌上諭輔臣曰近聞外間多病關節之說關係風俗不小若不禁戢盡壞世道詔令御史臺覺察仍下帥漕兩司訪緝置立窳苟妄營關節之人究治如律○壬午太白晝見經天○癸未上諭輔臣曰去歲罷京學類申欲令四方之士各歸鄉校以課試

理宗淳祐十一年



理校定稍復鄉舉里選之意近覽士著士人投匭之書謂猶有未  
還鄉井者科舉在近可令臨安守臣曉諭士子早還本鄉所有土  
著人自依此制行歲校之法其游士出學年久不能赴鄉舉者與  
赴浙漕試令行考校仍取待補以示優卹○丙戌上諭輔臣曰諸  
州間多水旱皆由人事未盡如省刑罰薄稅斂蠲逋負禁科抑懲  
官吏之奸察民情之枉可令諸路監司下之郡邑有闕涉六事者  
日下遵行○八月甲午以鄭清之為明堂大禮使謝方叔禮儀使  
吳潛儀仗使徐清叟鹵簿使趙與篤橋道頓通使○丁酉熒惑入  
井○甲寅沂靖惠王府乞改講周禮從之○九月己未詔皇弟少  
保保康軍節度使嗣沂王貴謙讀周易終篇其教授官官屬可依  
昨來皇弟思正體例推恩○甲子景獻太子府乞改講尚書從之  
○丙寅詔昭慈永祐永思永阜永崇永茂六陵并成穆成恭慈懿  
恭淑四攢宮遇有修奉告遷神御合行事務令檢察宮陵所闕太  
常寺一面請降香表擇日依例排辦○己巳朝獻景靈宮○庚午  
朝饗太廟○辛未饗于明堂大赦天下○己卯觀文殿大學士宣  
奉大夫游侶凡五疏乞歸田里詔不許○庚辰祭王府乞改講周  
易從之○鄭清之力辭扶掖凡三奏詔從之○丙戌詔鄭清之禮  
展宗禋慶成禘典回一晴於俄頃實資燮理之能相大祀以肅雍  
尤見感通之妙爰特頒於瑤帶庸示眷於鈞衡以答忠勤宜膺榮  
渥所賜王帶可便服繫○十月壬子知樞密院事兼參知政事謝  
方叔累乞解罷機政詔不許○閏十月丁巳朔侍御史陳垓奏朱  
喜近出大儒有功斯道曾任浙東常平使者適值旱歉講荒政立  
義倉流風善政逮今未泯帥臣馬天驥同已規勅書堂今乞廣其  
未備招延名儒以重教育詔從之○庚申太常議故戶部侍郎劉  
漢弼謚曰忠○十一月丙申京湖制臣言調遣都統高達晉德入  
襄樊措置經理漢江南北並已肅清積年委棄一旦收復詔立功  
將士官兵各進官一等特支官會二百五十萬貫等第充賞○御  
筆襄陽要區積年未曾經理每關憂顧李曾伯受任邊關抗志遠  
圖俾襄樊二城一日復舊計慮密而用力多矣且按兵毆敵觀聽  
無譁繕城時糧規略素定必耕屯之並舉與守備以俱全載嘉忠  
勤宜示褒勸可除寶閣學士京湖制置大使兼職依舊○壬寅詔  
隆冬凝寒都民不易出封樁庫十八界官會子二十萬貫賑之○



鄭清之謝方叔相右

心輔

癸卯蠲大理寺三衙臨安府屬縣見監賊賞錢○丁未決中外繫囚杖以下釋之○乙酉詔江東西湖南比福建二廣有災傷瘡痍去處雖已賑卹猶慮州縣奉行不虔可令監司守臣體認德意多方拯救○庚戌鄭清之薨贈尚書令追封魏國謚曰忠定○甲寅以謝方叔為左丞相吳潛為右丞相並兼樞密使○乙卯以徐清叟為參知政事兼同知樞密院事新知福州董槐為端明殿學士簽書樞密院事○十二月丙辰朔輔臣謝方叔等謝新命上降御筆曰朕觀比年以來朝綱浸弛時事日乖所以並命二相夾輔王室正賴開明公道振起治功肅紀綱以尊朝廷用正人以強國勢揀措幣以紓邦計卻哨騎以固邊陲清吏道使無貪黷之風淑士氣使無貴浮之習軍馬當足則飭閫帥以去虛掛之籍人心當結則戒守令以行寬恤之恩此皆今日切要之務昨來並命往往各分朋黨互持已見交相擺闔陰肆傾排是以猜忌成風衆弊膠轕今朕用措紳之公言從中外之人望登庸碩輔參運化權繼自今勿牽人情勿徇私意以元齡如晦為法以趙鼎張浚為戒務為正大之規以副倚毗之意○上又曰自來並命二相本欲協濟緣各

任已見且因賓客交闕遂成黨與不可不戒卿等宜同心輔政深矯前人之失清叟奏肅規曹隨房謀杜斷必如是而後可方叔等奏惟知盡忠竭力上答聖恩當佩服勉所未至上然之○丙寅詔令吏部四選以下刷具應干淹滯名件並要了絕違當重懲○詔游侶依舊觀文殿大學士進官二等致仕○戊辰詔殿步司軍兵應歿故累重之家特許以子弟填刺○辛未詔襄蜀兩淮極邊并新復州郡縣及二廣惡弱去處或遇闕官許令斟酌辟上○壬申詔令諸路監司帥守但干攤賴支蔓冒呈之人並日下釋之○癸酉上諭輔臣曰邊事未息武備當嚴五兵所先莫如弧矢昔神武衡守青澗日教習射羌人畏之其法可以推行詔令諸路帥閫守臣講明區畫詳議激勵使各令自衛鄉井弓弩箭隻聽從其便○已卯詔兩淮沿江江湖制司於江北地分及淮西山寨管內應有官屯民田耕種去處並令團結隊伍隨其聚落就中擇衆所服者充甲長任責結保有警率其所部務從便宜或有疎虞先懲頭目人有能勵率強壯精習武藝者先與獎勵將來能出力鏖戰當以真命旌賞○庚辰游侶慶輟視朝二日

理宗淳祐十一年



詔釋  
連累  
支蔓  
人

○淳祐十二年春正月丙戌朔御大慶殿群臣朝賀上出御札戒群臣曰繼自今毋養蠹毋惠姦毋以姑息而私恩毋容僥倖廢公法○詔諸路官司違禁罔利害民事悉罷之○甲午集英殿大宴宰執內幄奏事上曰救楮事不可緩吳潛可專此責○丙申詔諸路監司帥守事有闕人命連逮者官欠攤涉者偽會枝蔓者詞人淹繫者咸釋之仍嚴估平民之禁○詔中興以來諸王公主妃嬪保母皆有攢所禮宜從厚邇來有司漫不經意其令臨安府如儀修葺以時祭祀有主奉者不在此數○己亥詔兩浙淮東提舉司所部官闕於正官內差權毋以白身或罷吏○庚子詔二廣福建江西湖南去歲疫癘州縣人戶有絕世者令監司守臣稽其財產即其族命繼給之遠官身歿其家不能自歸者官為津遣勿令財物有所隱失○壬寅吳潛辭專任救楮之責詔朕以二三執政皆天下之選心同志合無往年形迹之嫌故以楮弊一事俾卿專任面諭已詳胡尚謙執宜亟祗朕命凡益錢穀與楮相關者悉新是圖以底成績潛奏請以方叔提其綱清叟視替其任而臣服其勞○詔蠲臨安府五稅務征○戊申上諭輔臣曰淮東邊報不

宋史卷四

十一

一可於江上整飭萬兵以備緩急江面雖已分定三流更須擇將分兵巡徼○庚戌詔宰執曰近聞北騎之來往往儲糗糧立寨柵以為因利乘便之計守臣邊將方欲嬰城退守則有老師費財之患方欲開關接戰又有兵連禍結之憂今朕欲於兩淮沿江各令立一項游擊軍以備不時調遣設若緩急隨宜應援使大軍偏師擣虛此正李廣縱部曲逐水草號飛將軍之遺意也又聞邊疆之外皆平原曠野北騎奔突邊臣每有迅雷不及掩耳之患今朕欲令極邊州郡開浚水道去城百里之間三里一溝五里一洫使北騎不得長驅而入邊民亦可為耕鑿之計此正古者立方田開溝澮以限戎馬之遺意也邊防二事久注朕懷茲與卿等共籌之條上便宜以寬憂顧○癸丑上諭輔臣方田事且令近城為之游擊軍當招水步各半方叔等曰容講究行之○二月乙卯朔日有食之○詔禮部貢舉○丙辰詔增資善堂講官一員○丁巳上諭輔臣資善堂訓導之官正要擇人方叔對曰資善不特教以章句凡事皆當訓導使知孝悌知世務上曰習慣如自然○壬戌詔曰朕惟明目張膽當言即言其責在臺諫斟酌劑量可行即行其權在人

理宗淳祐十二年



論後得  
方許  
報行

罷諸  
郡經  
界

三季  
相率  
出季

主我朝固自臺諫排擊縉紳力抗五七疏而不報者非所以抑臺諫之風采正以其事之關係甚重也今乃不然數年以來奏疏方入臺牒繼之惟知風憲之必行不俟上章之報可嘗有用之於執政大臣者有施之於端人正士者如此則人主之所欲用者臺諫皆而去之臺諫所欲去者人主不得而留之不幾於威權浸移大阿倒持乎自今後臺諫毋循弊例有失國體奏疏必俟得旨付下方許報行○廢江灣梅里霍運魏村古浦五酒庫以都司言帥司為餉軍初五庫官吏並緣漁獵故也○己巳詔諸路提刑按部囚徒○丙子置池州遊擊軍○戊寅上諭輔臣賈似道已有淮南肅清之報不知田疇尚可及耕種否方叔奏兵退在芒種前猶可及事○辛巳監察御史劉元龍言楮幣積輕宜因各路時直令州縣折納純用楮從之後公私交病明年仍用錢會中半○五月甲申朔命侍從卿監一人禱雨于天竺霍山○乙酉上諭輔臣曰禱祈未應恐獄訟淹延有傷和氣凡可求之人事者須講究施行○丁亥雨上曰微雨未決洽清叟奏方此閔雨土木之役宜省上從之○壬辰上諭輔臣轉眼秋風江淮備禦所當早計方叔等奏當輕

宋世宗四

廿一

重緩急與諸閫議行○甲午以禱雨出封樁庫十八界楮二十萬給散諸軍有差○乙未上曰夜來一雨甚好間外間得雨已多但京城差有今想內外霑足矣槐奏昨日軫恤軍民恩詔甫頒甘雨隨至以此見天人相與之際甚近願陛下益監對越之心上曰益當自勉○乙巳盜起玉山○庚戌罷諸郡經界從臺臣蕭泰來奏也初故相清之奏行經界于六郡會玉山饑民嘯鬪言者歸咎焉○六月癸酉朔盜逼衢境命徐敏子躋訪上曰當以撫定為主○乙卯詔復諸郡待補生人數舊額○癸亥出百萬倉米三萬石賑衢信飢○乙丑上諭輔臣曰玉山寇已平方叔等奏民窮則為盜守臣不可不擇○戊辰上諭輔臣曰近年科率取士鮮得實季士風人才關係氣數何策以救之潛奏乞於省試額中輟一二十名令有司公率海內行義文季之士庶尚存鄉季里選微意曩時朱熹真德秀亦有此請○癸酉上曰近日季校之事本起於至微不謂其相激乃尔若紛紛不已恐非美證先是三季諸生扣闥言京尹余晦相率出季上令季官勉諭歸齋故因輔臣奏事復及之○丙子大理正尹桂輪對乞置資善於禁嚴非特父子之情浹洽亦

理宗傳祐十一年



江浙東水災

福建水災

福建水災

所以為事制曲防之慮○戊寅詔朕惟故相中令魏國忠獻王史彌遠光輔兩朝備殫忠盡而嘉定更化之績申申定策之功尤甚彰明昭著者也銘書太常永有休聞而薨背越二十年隧道之碑未立朕甚憫焉爰攷太宗神宗皇帝所以光寵普琦故事親御翰墨為製碑銘以公忠翊運定策元勳題其首可宣付史館以備立傳以見朕褒嘉念舊之意○已卯上諭輔臣衛嚴水災江東亦苦雨此陰盛之證方叔等奏水亦兵證邊備不可不嚴○七月甲申上諭輔臣嚴州水勢可駭移撥之米當賑濟不當賑東方叔奏衛嚴台亦多漂蕩宜一体救恤○戊子上諭輔臣曰信州水災尤甚方叔奏建寧劍括蒼亦然皆臣等輔政無狀上干天和所致今惟以救恤為急○庚寅以諸路水災令季士院降詔遣使分郡賑恤詔曰蓋聞王道得則陰陽和公正修則百川理朕夙寤晨興無一念不在乎民乃夏涉秋淫雨為沴水失其性沸湧立原嚴陵衛嚴台慶之封上饒富沙劍邵之境溢于城邑蕩乃屋廬父子室家不能相保田疇稼穡行者幾希興言內郡之被災未有此時之為甚由朕不德在爾回辜已命使司賑恤仍遣朝臣存問務昭布於寬

條以推行於實惠於是遣諸軍計院師輿往建邵南劍國子監溥崇隆禮往嚴衢信登聞檢院胡大昌往嚴慶台告勅凡一百道分遣有差○辛丑上問輔臣三使行未方叔等奏明日出閣清叟奏建邵南劍水尤甚師輿所將僅百萬恐賑恤有限上曰可增五十萬○乙巳上曰聞福建水傷人頗多清叟奏水退之後貧民無以為生亦有自縊溝瀆者聞帥臣陳昉發楮三十萬漕臣饒虎臣發楮五十萬米五千石以賑之乞與除豁使知聖旨上欣然從之其後蠲九郡苗米凡二十二萬五千八百七十石有奇○已酉上諭輔臣徐霖以庶官論臺諫京尹要朕之必行殊傷事體適已批出潛等奏願陛下更賜優容○御批徐霖以庶官而論臺諫入京兆要朕之必行事關紀綱前此未有昨言去余晦為是今乃疏蔡抗為奸言及朝士親填姓名情懷不一首鼠兩端可依所乞除職予郡○八月癸丑朔令戶部下諸路申嚴州郡苛取斛面之禁○已未詔明年省試仍用二月一日以四月殿試先是淳祐九年臺臣陳垓奏省試用三月殿試八月遠方之士留滯逆旅至是復舊○方叔潛乞解機政疏四上詔不許○甲子申嚴文武官改正叙復

淳祐十二年



之令○己巳出封樁庫十八界楮四十萬賑行在軍民○丁丑太

史奏新曆成詔賜名會天曆行之○戊寅再決中外繫囚上曰陰

雨未已恐四方郡縣刑獄淹延或有慘刑妄殺可詔行寬卹○九

月壬午詔以明年改為宝祐元年○丁亥詔建西太乙宮于延祥

觀左○庚戌上諭輔臣近來早朝多奏臣下辭免等細事而事躰

大者反從繳進甚非臨朝聽政之意自今宜就早朝面奏○十月

壬子朔詔諸路守臣依舊制到任半年條便民五事及四方利病

來上○癸丑以徐清叟除參知政事董槐同知樞密院事○甲寅

都省言既復襄樊宜措置屯田修渠堰詔守臣高逵任責仍令前

德安守臣程大元督役○甲子上諭輔臣史院纂修須用褒貶必

得是非之公乃可○壬申詔宰帥材○癸酉宰臣擬進都承旨陳

力修恩數上曰集撰為都承方可依權侍郎法秘撰未可引此恩

數○十一月辛巳朔右司李伯玉劾御史蕭泰來上令伯玉具都

司刻御史故事聞奏詔曰國家設御史所以糾正百官置宰掾所

以毗贊機務御史乃天子耳目之臣而掾不過一大有司未聞有

以庶僚而糾劾御史者近者徐霖以都司而按大有今李伯玉又

以都司而按泰來陰懷朋比之私蔑視紀綱之地是非所以輕臺

諫乃所以輕朝廷也李伯玉乃復按張商英等事以文其過然三

省密院奏請專邪况郭磊卿以正言而按李遇吳當可以躰統之

聯屬也翁甫以下士而按別之傑以其人事之關係也若都司可

以按御史則御史反將聽命於都司矣朝綱不幾於紊乱乎李伯

玉可降兩官放罷○庚寅吳潛罷以御史蕭泰來論其奸詐十罪

如王安石而又過之也○丙申夜臨安火丁酉夜火乃熄○戊戌

詔避殿減膳○庚子行失火家罰成忠郎刘世顯除名編管○壬

寅詔曰朕以菲涼託于兆人之上夙夜祗懼不敢荒寧乃者仲冬

以來鬱攸挺災仍舊而見闐闐盛繁之地貨財懋遷之區煨燠為

墟生聚無所號呼顛踣震于朕間何辜今之人至此極也可自今

月十九日後避正殿減常膳應中外臣寮並許實封直言闕失毋

有所隱以稱朕懇惻為民之意○以隆寒出封樁庫十八界會子

二十萬賑三衙諸軍其出戍官兵之家倍支○丙午宰執奏曰臣

等昨蒙賜御製仁厚論深得本朝以仁立國之意上曰太祖得

天下市不易肆累聖皆本此意○己酉上諭輔臣年來文牘稍淨

聖  
祐十二年



科奉在近宜少革之方叔奏欲變文辭當自奏議始上曰經濟錄奏議可為法○十二月乙卯以吳潛為觀文殿大學士提舉太平興國宮○己未詔追錄彭大雅創築渝城功復元秩仍官其子○癸亥都省言本朝自中興以來依海建都其神合該大祀詔自明年始春秋遣從臣奉命往祠仍令奉常條具典禮來上○丁丑立春雷

詔立皇子

寶祐元年正月庚辰朔御大慶殿群臣朝賀上出御筆曰朕惟皇嗣之建係宗社國家之本固宜早計而豫定也建安郡王某可為皇子改賜名禕令李士院降詔○癸未詔曰有天地然後有父子立愛惟親聖王所以重人道之經正天下國家之本也朕荷上帝之眷祐續列聖之基圖思所以為詒謀之計夙夜不敢康若稽前猷祇用率迪建安郡王攷藝祖皇帝之嫡系十一世孫皇弟嗣榮王與芮之子而朕之猶子也生有奇質岐嶷夙成朕意屬之久矣頃以尚幼就邸諭教而能篤志問學聞於道術智誼之指時命入侍莊重有儀益有契於朕心今年齒寔長攷禮正名允合古誼俾居內掖以共子眈仍闡資善以親師模庶幾日見正事日聞

請陳坡舍賦不

正言以成就其德美焉上以嚴宗廟下以係億兆之心也其以為皇子改賜名禕宰執稱賀上曰朕注意於此久矣方叔對曰此事出於聖斷宗社之福也○甲申天基節群臣上壽上曰聞元日出命外論甚喜方叔對曰不但人心胥悅轉陰為晴可見天意○御製資善堂記賜皇子翌日皇子具表謝○甲辰詔以權禮部尚書兼直李士院陸德輿知貢奉中書舍人兼侍講鄭發祕書少監兼侍立修注官宗政殿說書牟子才同知侍御史程元鳳監試○二月己酉日有食之○詔知貢奉陸德輿等崇雅黜浮不変士習○壬子雪詔臣寮久在遷謫者令自便惟誤國殄民者弗赦○戊辰請陳垓潮州居住先是宰執奏其貪贓不法宜付有司鞠問然重以臺臣下吏且從遷謫上曰當如此以為人臣懷利事君者之戒○己巳再蠲兩浙漕司臨安府竹木稅一月○三月壬午上諭輔臣夔門擇守切於東南宜速區處○丙申以前參知政事別之傑薨輟視朝尋贈少師○庚子以韓宣為遙郡防禦使守夔州兼副帥○壬寅詔曰比年以來風俗不美好惡不公臣僚論列固許風聞而廉訪不真是非實亂自今大臣除授惟才是用內外臺彈劾



並須實貫毋攔細故著發陰私其有贓污實迹則祖宗自有典憲必罰無赦咨爾有位其修身奉法以副朕嘉與維新之意○四月甲寅申嚴廷試校書之禁○壬戌錄西柳閑捍禦之功高遠程大元李和古文瑀王登及將士等增秩補官賞賚有差○己巳上問蜀中近報方以等奏已下夔路清叟奏蜀中向後分置四帥庶有掎角之勢上曰舊自有四戎帥又有正副帥魏奏此亦二矛重弓之意○五月戊寅朔上曰趙希堅可差知平江府其人清修儘能撫摩先是上以兵門擇守諭輔臣方叔奏平江東控海道年來和乘民力頗困宜得才略善撫摩者至是方叔等咸贊上知人之明○辛巳省罷處州稅官二員置麗水縣西尉○甲申以工部尚書兼直學士院兼侍讀尤煇工部侍郎兼侍講林彬之國子司業兼崇政殿說書葉夢鼎為御試詳定官○乙酉御集英殿策進士○丙戌御射殿呈武舉士射○戊午新除直華文閣湖北運判兼知鄂州余晦朝辭上曰西事之人卿可為朕一行晦奏臣資淺望輕西事素未諳歷若冒承當恐致誤國上曰朕與宰執孰籌之無如卿者○庚申以余晦為司農卿四川宣諭使○壬申詔昨已頒余

卷之二十四 廿六

晦諭蜀之命道里遙遠邊防宜急毋得退避以失事機○七月辛巳上諭輔臣余晦朝辭已戒其務行寬政是日國子司業葉夢鼎進對奏至諭蜀遣使上曰此人有才兼夢鼎奏其人雖小有才蜀當垂亡危急之秋恐不勝任願入聖慮母嫌反汗○壬午以前參知政事王伯大薨輟視朝○丙戌以蔡杭施退翁並兼資善堂直講○庚寅溫台處三郡大水詔發豐儲倉米及各州義粟賑之○甲午以余玠薨輟視朝○庚子以董榘兼參知政事○癸卯詔撫諭四川官吏軍民○八月癸丑詔福建帥司毋得循襲以本州寄居充幕屬○丙辰詔朕追惟大母保佑之恩楊次山等易名之典尚闕其賜次山謚惠節谷謚敏肅石謚忠憲○乙丑詔鑄寶祐新錢以皇宋元寶為文○九月戊子詔鄭清之舊學云亡朕切念之遠日有期可令慶元府禮葬從其厚○十月丙午朔出封椿庫楮四十萬賑行都軍民○十一月乙酉西太乙宮成○辛酉日南至御大慶殿群臣朝賀上諭輔臣襄城一捷甚偉數十年所無今降詔獎諭○壬寅以延昌公主進封瑞國命徐清叟為冊禮使董槐副使清叟撰冊文書冊篆印冊以象齒印以金方寸文曰瑞國公



主之印○十二月乙卯御文德殿冊瑞國公主

**龜鑑曰**其封瑞國也必才明敏慧必仁孝溫恭必能通孔孟之書必克遵任似之教必懋肅雍而成德必勲富貴而不驕然後可以啓正觀晉陽之寵可以崇異國鄭國之封其與書之紀載英之盛詩之歌桃李之華者同一宮闈之美也又非得易家人有嚴之道發之乎

○庚申以前參知政事劉伯正薨輟視朝○壬戌景獻太子府沂靖惠王府並改授尚書莊文太子府改授周禮○辛未太常議故直龍圖閣李道傳謚曰文節

增入名儒講義續宋朝通鑑卷之三十四

理宗定祐



**甲寅**寶祐二年正月乙未上諭輔臣曰李曾伯報北兵犯利州築城已就不可坐視方叔奏當令余晦隨宜驅逐○潭州以湘潭縣民陳克良孝行聞詔旌其閭○二月甲辰命太常釐正秦檜謚上因諭輔臣曰雖謚繆狼亦可方叔奏亦宜改謚○乙巳上諭輔臣曰已城利不可不急措置方叔奏已詳報蜀閩增劔利之戍未可直與爭也○詔二廣吏多貪贖以去天遠而民無告也令吏部攷覈嘗仕廣而以貪贖免者勿令再任著為令○三月戊寅申嚴本路人不許授諸司屬官其已注授者並令改授○壬午王元善自北來歸元善九三使留七年至是始歸○戊子詔蠲江淮州軍今年二稅○己丑錄襄城捍禦功高達王登程大元李和各進職增秩餘補轉有差○辛丑上諭輔臣謝奕修服除且以郡守之方叔奏年來戚里予郡太多祖宗時官高者必換右蓋有深意上曰戚里正卿以上即換右班此典故也○四月辛亥詔邊兵頗貧聞邊上多有閑田擇其田之近便依險者分給軍人以耕○乙

一廣

兵之

助家余錄

利堅

知上諭輔臣謝奕修干郡朕不欲從內批出可從公將上方叔奏此意甚公○己未詔以季秋有事于明堂○庚申上問輔臣外間所聞方叔奏外論皆以謝堂兼江西提舉恐自此外戚緣例者多反費陛下區處○乙丑以徐清叟知樞密院兼參知政事董摠參知政事○己巳四川制司申辟隆州守臣上曰武將作郡當戒貪虐令其撫摩遺民此在於制閩留意○六月壬寅朔罷臨平鎮稅○戊申殿中侍御史吳燧言故蜀帥余玠聚斂罔利家有埒國之富玠死其子如孫一空帑使之積而東宜簿錄其財以為蜀用○詔責如孫輸以助蜀○甲寅上諭輔臣蜀事宜早區處方叔奏向來亦有京闈兼制者上曰正欲如此不可緩以李曾伯為資政殿學士依舊節制四川邊面以賈似道同知樞密院事職任依舊○丙辰上諭輔臣利州王佐堅守孤壘屢挫鋒其忠可嘉方叔奏此城正介寶峯苦竹隘間佐以忠自奮南水忠薄其城下佐罵擊之亦忠流涕而退真忠臣也詔王佐更進一官先是南水忠守隆慶率其屬以城歸北教授鄭炳孫先縊死其妻女乃朝服自經○癸亥上曰鄭炳孫死節可嘉其議旌恤贈朝奉郎直祕閣訪其子



官之○錄行在係囚○丁卯上諭輔臣淮東馬政修率若足及萬  
騎其勢頗壯方叔對曰觀其分牧邊郡之說區區亦足○戊辰召  
余晦赴行在○蠲利閩隆慶潼川綿州賦役○閏六月壬申重槐  
抗疏蜀事孔棘已犯臨戰易將之戒此臣子見危致命之日也而  
上下牽制曾未有出身當此任者願假臣宣撫之名置司夔門以  
通荆蜀之氣脉上優詔答曰士大夫以議論求勝者多以事功自  
勉者鮮朕為人才世道憂之卿深念蜀事慨然請行足見忠壯然  
經理西事當在廟堂更且勉竭謀猷以副委任○以蒲擇之為軍  
器監丞暫充四川制置權司職事○甲戌命包恢為浙西提點刑  
獄招捕盜寇○壬午以李曾伯為四川宣撫使兼荆湖制置大使  
詔四川事力愈單須合荆關乃可運掉宜趣李曾伯進司夔路區  
區規模務要速定○已亥罷江灣浮鹽局○七月已巳詔前蜀帥  
政事亡狀兵苦於征戍民困於流離朝廷以吏議使其家輸所取  
蜀財為犒軍賑民用其蠲近邊州郡租賦二年  
○蠲租薄賦寬役省征古人所以厚民也蜀氛方解而封  
家之財當散也明矣而聖詔撫諭且欲並並之民悉蠲田租墾  
下之居盡復年稅以為休養生息之地則耕種可不廢而邦本

可以寧邊烽未息而創寒之氓當撫也久矣而聖訓宣諭且念  
錢引輕而小者宜裁賦斂重而多者宜減以為貸給新復流離  
之計則關征可少寬而民力可以阜寬征薄賦之意如此豈非  
得古人厚民力之美意乎

○丁未上諭輔臣昨觀雲南備轄節次果能自立方叔奏荆蜀所  
報雲南尚可支吾廣右之傳雖未得實不容不嚴其備○已酉詔  
以思播兩州連年捍禦其守臣田應寅揚文各進一秩○同知樞  
密院事兩淮制置大使賈似道乞照陳韓出使湖南例以行府為  
名從之○甲寅大常議故光祿大夫賈涉諡曰忠肅涉似道父也  
○壬戌以湖北安撫知峽州呂文德總統江陵漢陽歸峽襄郢軍  
馬時暫置司公安上下應援○八月辛未朔上諭輔臣江塘事畢  
聞軍中料軍人草薦不容不還其首方叔奏陛下不遺微小敢不  
祇若休命○癸酉詔以王惟忠付大理獄尋命臺臣泣鞠○丁丑  
以謝方叔為明堂大禮使徐清叟禮儀使董槐儀仗使李性傳因  
簿使希堅攝道頓遞使○癸未董槐奏瀘者陛下察貢獻之無益  
慮並緣之害民申飭內司諸有以田及木獻者勿納切讀聖訓可  
以弭災召和上曰自今修造買木仍付兩司○丁亥詔曰昨者



趙象  
乞居  
深陽  
以便  
郵使

飛飭  
外戚  
干請

皇王  
進封  
忠王

降訓廉抑貪之旨以勅中外凡屬攸司所當遵守近聞有不畏公  
法之人輒敢聲勢公肆培斂借名貢獻實在營私蒙民富室本無  
愆尤吹毛求疵反致其罪甚至搶財籍產無所赴愬怨及於上利  
歸於已有累官府孰甚於斯所合嚴行告示敢有復蹈前轍重實  
典憲必罰毋赦○已丑詔諸局進書○癸巳謝方叔等上七朝經  
武要略中興四朝志傳今上皇帝玉牒日曆會要○丁酉特進觀  
文殿大學士醴泉觀使信國公趙葵上疏臣昨辭相位退居長沙  
今蜀事孔艱思報恩紀乞申溧陽居正之命庶便驅策內批卿世  
濟其美諳練邊籌夙著勲勞朕所嘉賴茲覽來奏備見忠忱伏自  
壬子以來伏難孔熾今安西之壘雖復而寶峯之未退朕嘗軫  
憂卿既慨然體國且許為朕一來尤見一飯不忘君之義卿可趣  
裝過溧陽以便咨訪凡有所見無靳奏陳○九月甲辰以久雨出  
封樁庫十八界楮幣二十萬賑三衙諸軍○已酉以明堂大禮奏  
告天地宗廟社稷朝獻景靈宮○庚戌饗于大廟○辛亥大饗于  
明堂赦天下○乙卯狄浦寇平憲臣包恢進二秩陞直龍圖閣都  
統劉達授橫行帶遙郡○丙辰莊文太子府改授春秋○已未以

宋監其五十一

尤慎為端明殿學士提舉秘書省兼侍講提綱史事○壬戌詔皇  
子年方志學儼若成人節屆履長欲行冠禮令有司討論典故以  
聞○癸亥詔以景靈宮恭謝畢詣西太一宮為國祈祥起居郎牟  
子才諫而止○詔朕惟祖宗盛時待遇近戚自有定法比年以來  
近戚文臣合于堂者不干堂合部注者不赴部寅緣私謁以希批  
降請求日益是致人言故茲戒飭繼今如或仍前干請別有施行  
成憲也而理宗勸親一意亦素依乎道理之所宜者及祖宗待  
近戚之定法而干請不行未嘗開謁薛之門以茲濫分之弊革  
近年近戚干堂部注之弊而寅緣不行未嘗希批降之旨以重  
添換之沉少保之命若私懿親也然威儀有則寵利弗居雖異  
以高牙大纛而不慚都尉之除亦疑其為私戚屬也然榮職三  
世琳琅一門雖寵以環尹副駢而奚私是意也其得東漢抑外  
戚歟

法歟

○丁卯太白晝見○十月庚午朔謝方叔等進寶祐編類吏部七  
司續降條令各進一秩○癸酉詔皇子永嘉郡王進封忠王○上  
諭輔臣曰皇子加封忠王忠字意義甚好宰執奏忠之義極廣大  
孔門道統相傳不過忠恕二字忠者體而恕者用忠者天道恕者

聖宗寶祐二年



忠節 用德 榮効 師儒 宜近 事子

人道盡已之謂忠推已之謂恕如周家忠厚成福祿與夫教忠之意皆在其中矣上曰可令以此意為批荅○乙酉詔皇子忠王鑄崇慶軍節度使印忠王之印○戊子詔皇子忠王冠禮以徐清叟為賓師珎主之○辛卯詔李曾伯進司重慶其京湖職事令呂文德王之斬王惟忠于都市○丁酉刑部侍郎兼樞密都承旨潘凱言王惟忠以助余玠附余晦既伏鎖東市而玠全死後之華晦追去後之責何以昭平明之治服四蜀之心詔奪玠資政殿學士職名追晦刑部侍郎告命○戊戌太常議故直顯謨閣劉宰謚曰文清○十一月庚子朔以皇子忠王加冠禮命從臣詣景靈宮奏告天地祖宗○壬寅日南至御大慶殿受朝賀次御文德殿行皇子忠王冠禮賜字邦壽○丙辰上諭輔臣近報光化事體如何方叔奏築光化在江漢之北欲以溫和守光化令在鬲奴堡對江與之相持均州據光化上流已令增兵為備詔溫和差知光化軍○命從臣禱雪于天竺山○壬戌太常議工部侍郎曾漸謚曰文莊○癸亥上諭輔臣昨欲用一人知道州如何方叔奏不可衝下次人摠奏不如一守祖宗典故凡近戚惟以高官厚祿使之奉祠為

宋史卷五十一

安○十二月己巳朔殿中侍御史吳燧言州縣財賦版籍不明近行經界既已中輟欲令州縣下屬縣排定保甲行手實法詔先令兩浙江東西湖南州軍行之○丁丑詔蒲擇之以元職兼四川宣撫司判官○辛巳詔戶部支諸軍雪寒錢出戌之家倍給○癸未詔皇子襁年當志學既冠之後宜親近師儒開道德性所讀四書書易皆當精熟至於古今治亂之迹尤宜講明○樞密院言和利州王佐申叛臣南永忠部下官兵周德榮能守正効忠密約統制段元鑑入隘解圍為執縛屠割抗聲罵罵而死詔周德榮特贈七秩仍立廟官其子○丙戌上曰一雪可喜天機轉移其速如此方叔奏日間聖語以雪未應為憂今聖德感召願益堅對越之心上悚然納之○戊子賜喜雪宴○己丑詔効忠順化保節守義懷德歸仁慕治功臣靜海軍節度觀察處置使特進檢校太尉御史大夫上柱國安南國王陳日熤以明堂恩加封奉正功臣○詔安西堡解圍其將士褒賞外令宣司下隆慶守臣段元鑑應官民曾資給戰士或屈身助守禦者併保明推賞仍普稿在城居民一次免租賦五年○丙子詔皇子忠王既加元服令赴朝參嗣歲之春消

聖宗正統二年



日出閣令內司指引仍令臨安府轉運司於閣中修蓋位次一所庶幾密邇於宮庭可以問安而視膳

○寶祐三年正月庚申上諭輔臣曰均州城築糧餉既艱先築

龍山亦便方叔等奏龍山高險下瞰舊均已趣京湖留司調兵修

築○壬戌知澧州趙師簡朝辭奏公族世系日衍尚未增立字號

詔以宗正寺擬定用宜季次紹五字於大由友嗣甫字下續之○

癸亥榮文恭王府改授禮記○甲子上諭輔臣馬光祖措置銅錢

舊楮如何方叔等奏以益收敝楮已合事宜但錢未流通耳○丙

寅皇子忠王出閣○二月戊辰朔詔禮部貢舉○庚午詔尤焞免

奉朝請半月一赴經筵進讀專令精意史事毋為他事所奪○乙

亥詔撥封樁庫十八界會一十萬銀二千兩付李夢庚措置襄陽

屯田○已卯兩淮制置大使賈似道與復廣陵堡城以圖來上詔

獎之○庚辰詔令宗正少卿歲舉宗學官選人一員○壬午上諭

輔臣廣西之傳如何方叔奏果有幹腹之謀當亟修武備以防之

○都省言宣闖入蜀首議奉行詔旨郵民之意宜多支采本以寬

民力詔撥封樁庫十八界會二百萬專充四川行使○乙酉詔撥

宋史卷五十一

官誥祠牒新楮香鹽付臨安府守臣馬光祖收換敝楮○三月甲

辰上曰廷臣奏疏及邊事者傳播于外殊有關係方叔奏陛下許

其盡言而不使之傳播聖慮可謂周密○已酉詔沿邊屯田自有

課入登羨者其管幹官並推賞○癸丑上問自實之法施行如何

方叔等奏自實即經界遺意惟當檢制吏奸寬其限期行以不擾

而已○以吳淵為觀文殿學士京湖制置大使知江陵府○已未

兩土○癸亥上諭輔臣胡穎欲改築宣城亦可從之方叔奏幹腹

之報於邕宜築得城堡亦無窮之利也○賜故觀文殿大學士贈

少保范鍾謚曰文肅○四月庚午朝獻景靈宮○蜀郡地震○癸

酉上諭輔臣近日流民無他否方叔奏數年來流民在江南者皆

已安業○丁丑以陳顯伯兼資善堂贊讀陳堅兼直講○已卯上

曰朝廷紀綱法度不可不守方叔等奏陛下動循法度臣等敢不

謹守○辛巳上諭輔臣聞刑獄多有冤濫方叔等奏不特冤濫且

有淹滯當時加申警○癸未考功郎官洪勳輪對奏至杜衍封還

事上曰朕每諭丞相事有不可行者但繳奏來○甲申上諭輔臣

三邊之事卿等宜及時區處方叔等奏首當以此勉諭諸閫○五







曰閩外之寄廟堂只當擇人豈可遙制槐奏前日之病正坐此○丙子以鄭性之薨輟視朝○辛巳上諭輔臣今日邊頭多事卿可與諸閩開心用情勉其留意備禦槐等奏已作書示此意其他機括所係却容隨事區處○戊子上曰紀綱法度須當謹守以革弊例朝士遷除各守滿歲之法如先朝臣寮奏請遷轉格式可討論以聞槐等奏此法固可革躁進之風但拔擢人材又不可拘此上然之○都省言兩淮制臣賈似道調遣兵將攻勦舊海賊兵生擒偽元帥宋贊俘獲尤衆詔獎之○辛卯以應徽薨輟視朝○九月乙未上諭輔臣昨日繳進黎州報雲南果有兵槐奏今日之事惟當選將擇守積粟練兵以爲備禦計○丁酉上曰軍政所當講明諸州禁軍不許差借法也宜嚴戒之槐等奏當先拘令教閱精加選擇以備緩急之用仍嚴占借之禁上然之○己亥上諭輔臣銓法不可不申嚴槐等奏但用法不用例自然無弊○庚子上諭輔臣近日施行內侍何郁豈可復留合與勒停槐等奏聖斷如此不惟可以戢奸亦可以服中外心○上曰監司守令當思所以激勵之則人知所勸槐奏敢不奉承聖訓○丙午上曰近觀臣寮奏疏

宋監三十五

七

云事當謀之大臣朕未嘗不與卿等謀如有未當且許執奏卿等亦可自相資益槐奏儻有愚忠奚敢有隱元鳳奏臣等雖不敢立異亦不敢苟同然之○庚戌詔淮甯在境邊防正嚴公江副閩豈容久虛已差厲文翁可趣之任○壬子上諭輔臣趙葵二劄言邊事不苟槐等奏今日事勢不可以安危論直當以存亡論亦不須如此憂懼然必內外協心圖之如范蠡大夫種分任國事可也○甲寅以陳顯伯兼資善堂翊善皮龍榮兼贊讀○乙卯上曰楮幣何以救之槐奏以臨安府酒稅專收破會解發朝廷逐旋焚毀官司既可通融民間自然減落上然之曰朝廷以爲重則人自厚信○癸文恭王府改講語孟○庚申上諭輔臣連日雨寒恐妨收刈今得晴可喜槐奏陛下拳拳農事如此天意必順○十月庚午詔撥封椿庫會子一十二萬犒殿步司教閱精勇軍其衣裝器具悉從官給○甲戌上諭輔臣邊郡闕守宜早選補若未知其人則令堂審槐奏審而後差尤見公選之意○癸未詔永蠲紹興府和買絹○十一月乙未皮龍榮進對奏畢上詳及資善事龍榮奏忠王天資過人若無他嗜好倍加保養尤爲有益儒臣盡職分於外

聖宗宣統二年



望陛下以身教之於內上曰更須留意○壬寅董槐奏昨日繳進  
步司養馬人姓名偶有不避御舊名一字者軍司固所當懲臣等  
亦不勝悚懼上曰臨文不避只令更名足矣○甲辰上諭輔臣思  
播當嚴為備槐等奏已力諭宣制兩司令結其心助其力為表裏  
備禦之計○丙辰上諭輔臣今邊備為急當無日不討論某將當  
擇其兵當調某處當屯某財當理如救頭然可也槐等奏此皆臣  
等所當究心上勞聖慮如此敢不惜日力以圖之○十二月戊寅  
上諭輔臣軫腹之傳已久今歲措置總有頭緒施黔一路亦是要  
衝合為之防槐等奏向日所言施黔珍南平四郡置一副帥屯兵  
守險正謂是也○庚辰上諭輔臣朕夜來反覆思之當選一猛將  
提萬兵於施黔以上為控扼計前言雲拱如何槐等奏雲拱亦肯  
任事如南平據險置司則沅靖無可透漏之虞須先措置調兵方  
可上曰可與淮西科五千人仍度何所屯駐何所給餉即今理會  
可也○甲申上諭輔臣蜀報勢頗重間雖小捷未聞有敢與一  
戰者宜大明賞罰以激勸之槐等奏當明立賞格行下○丙戌上  
諭輔臣制敵以兵為急養兵以財為先今調遣方殷理財不可緩

宋世皇二十五年

已諭令曾頴茂宗潔任責可更資之○丁亥上諭輔臣朝士有蜀  
人曉邊事者可令條具備禦之策叅攷而用○戊子雲童槐奏陛  
下懋德積忱上通于天瑞雪應時固遺蝗入地宿麥達雲之證今  
西事未寧將士暴露乞免表賀賜宴從之

丙辰寶祐四年正月癸巳朔御大慶殿受朝賀詔曰朕儀圖治功  
宵旰在念適時多艱未稱朕意威令玩而不肅紀綱翕而不張財  
計匱而生財之道蔑聞民力窮而剝民之吏自若敵非果彊特自  
未有以振國勢兵非不多特莫知所以計軍實捨法用例已非矣  
有元無例而旁引以遂其干請之私其何以窒倖門塞蠹穴乎望  
治雖勤課功愈邈母怪也歲律云始泰道方開咨爾二三大臣儆  
于有位俾精白一心各揚乃職務循名而責實勿假公而濟私以  
彌成朕內修外攘之功則予汝嘉○辛亥詔京湖制置大使兼夔  
路策應使吳淵遇軍戎急切許用便宜如可俟報仍舊申審○甲  
辰上諭輔臣試閣賤止兩名立為定格非武幸前名更不召試○  
丁巳以禮部侍郎權吏部尚書陳顯伯知貢舉權刑部侍郎兼給  
事姚希得國子祭酒權修注官戚士孫同知○辛酉詔史嵩之除

理宗寶祐四年



封孔  
子後  
行矣  
政格  
天心

觀文殿大孝士依前承國公致仕○二月甲子上諭輔臣蜀中一捷甚偉自此益加警備不可一日少緩○丙寅詔史嵩之復職李舍有言但慮其覆出耳其人決不再用其職亦不可奪○戊午雨雹○庚午以久雨詔臨安府發平糶倉米二萬石賑糶○甲戌上諭輔臣曰聞所在民生蕭條守臣不可不擇亦不可數易○詔三省樞密院六部遵照已降御札應捨法用例等事悉警革之○丙子以襲封衍聖公孔洙特添差通判吉州不厘務○庚辰上曰連雨未已槐奏臣等輔治無狀願賜罷出以答天譴上悚然曰此由朕之不德卿等可相與奉行實政以格天心如聞諸路多有滯獄可嚴行戒飭○詔監司州郡決係囚毋得淹延獄官毋得兼僉以妨本職○再撥平糶倉二萬石損價接糶○出封椿庫楮幣二十萬令殿步馬司給犒其大理寺三衙臨安府屬縣諸酒庫所見監賊賞錢悉蠲之○命從臣禱于天竺山○癸未槐奏前日陰雨陛下惻然念及軍民而賑恤之且有引咎之言旋即開霽所謂禹湯罪已其興也勃焉元鳳奏天人感應甚速望益加聖心上曰敢不益加敬畏○詔李廉吏○詔令宣司覈六九戰多者死事者疾速

六十五

九

條上推賞被兵之地流離之民應干科罰悉與停免○三月丁酉詔與芮為太傅依前武康軍節度使萬壽觀使嗣榮王○庚子上曰今日兵財為急招兵已將及數理財尚恐隱漏槐奏近劍安邊太平庫拘推頗明○壬寅詔蒲擇之權兵部侍郎四川宣撫制置使兼知重慶府○著作佐郎兼資善堂直講鄭雄飛輪對奏畢上問皇子讀書如何雄飛奏皇子天安聰明嘗輯錄聖訓一日以示臣陛下貽訓正大明切皇子又能謹藏習讀之上曰能如此○庚戌上諭輔臣蜀中更求東南一二人以為二子重弓之備槐奏近遣李遇龍為都統輿論謂然更當採訪以備擢用○丙辰御製字民訓遇引見改官人令閣門宣示仍批於印曆之首訓曰爾等服勞州縣始應脫選通籍信難矣而李制為尤難其律已必廉否則墨其養民必惠否則暴其聽訟必公否則私其泣民必勤否則怠即往乃封祇若子訓邑有善政朝徹夕聞表用者有先朝故典在昔子路治蒲為難夫子誨之以恭宣溫惠之理二年而後有成朕之言夫子之遺意也聽之毋忽○四月丁卯上諭輔臣累年北騎踏淺渡淮合於公邊措置防遏○戊辰董槐奏有謀築棗陽軍

勳  
字民

德宗 宣統四年



事進

申防

申加

抗元

意近吳淵已焚其所立寨舍上曰可諭吳淵早取光化如蜀之

常議故寶謨閣直學士游九功故主謨閣待制徐僑謚曰文清○大

甲戌槐奏近觀邵澤進故事幸藝祖買重籠一節此正人主示以

不得專恣之意庶後人有所遵守元鳳奏湯之制心非但為一身

計乃所以為後人計上皆然之○癸未詔賈似道為參知政事吳

淵進官二等並職任依舊程元鳳為參知政事蔡抗同知樞密院

事丁大全為御史○五月壬辰上諭輔臣趙與憲奏乞定所招軍

名及差人統馭如何槐奏合令與憲就統者已令用遊擊名軍矣

○甲午孔子五十世孫元龍授初品官○丁酉以新除權吏部侍

郎時暫權中書舍人兼侍講陳大方新除起居舍人兼權直學士

院兼權直舍人院兼侍講林存太府卿兼檢正諸房公事饒虎臣

為殿試詳定官○戊戌御集英殿策進士○甲辰上諭輔臣曰此

去秋防不遠宜事事為之備槐奏蒲擇之申羅氏鬼國報思播州

謂北兵留大理者招養蠻人為嚮道此不得不憂上曰宜令擇人

多方扶持之彼不能支則駸駸及我矣○乙巳上諭輔臣邊備合

加申嚴槐奏蒲擇之請見措置瀘瀆之上益井設險以待之仍以

鬼國為慮此事不可吝費使之大作規模或趨調以助其力元鳳

奏若令播州以兵助羅鬼制司以兵助播州亦似可行上曰更令

制司從長區處○上諭輔臣區宜之備不可不加嚴老鼠隘畢竟

如何合於此三兩月便定規模槐奏當以聖旨催促今惟有盡力

人事而已○戊申上曰近來北兵非昔時比若我有以制之無不

取勝槐等奏在我為必勝之計可也因奏吳淵經理光化之書上

曰此當以計取如符堅敗於淝水亦是以計勝之○甲寅御集英

殿賜正奏名進士文天祥等及等出身同出身凡五百六十九人

癸未

甲辰

乙巳

癸未

理宗寶祐四年



孫子秀趙崇潔任責拘確○詔曰執政當筆具有典故一日必甚  
 乃分之宜卿等素懷解國之忠雅有濟時之略偶虛揆席借助賢  
 勞弊所當革勿以易至批然鮮利所當興勿以暫焉承乏沮况均  
 是大臣自當任責事毋庸遜當以身先力拯時難迄圖明效以副  
 朕責成之意○甲午以董槐為觀文殿大李士提率臨安府洞霄  
 官○丙申詔進退臺諫權在人主若由李校萬無此理且非大臣  
 所得進退李校可得而進退之乎叩閣縷縷更無已時可令李官  
 先諭三李諸生各安心隸業以副朕教育之意仍令御史臺契勘  
 當時同持臺牒作倡鼓率之吏重作施行令臨安府根究本隅將  
 校懲其不能鈐束隅兵之罪以為張皇者之戒先是丁大全劾免  
 董槐用臺牒差隅兵夜半迫之出關物情殊駭大全繼入疏自解  
 上亦不以為然三李屢上書故有是命○戊申上諭輔臣吳淵乞  
 萬兵以備瀘叙思播何以應之元鳳奏欲令淵且選兵五千至夔  
 門瀘叙有急則援瀘叙思播有急則援思播東可以捍金洋南可  
 以庇歸峽却從公江調兵五千以補京湖之數上曰如此區區極  
 是○乙卯以程元鳳為右丞相兼樞密使蔡抗參知政事張礪為

宋史卷一百一十五

十一

端明殿李士僉書樞密院事○丙辰上諭輔臣振飭紀綱修明法  
 度今日急務又曰前此只緣徇情廢法以致蠹弊滋多今當痛革  
 元鳳奏敢不遵守法度以無負明訓○上又曰近來朝廷之勢輕  
 盍思所以重之元鳳奏當以求才為急人才衆多則國勢自重上  
 然之○八月甲子元鳳條陳正心待臣進賢愛民備邊守法謹微  
 審令八事詔朕之命相正欲仰成覽奏旨哉乃言惟服尚期勵翼  
 其克有勳○甲戌以元鳳奏重槐常點郡守十餘人欲堂聚審訂  
 將上上曰郡守字民之官不可輕授○丙子上諭輔臣二邊備禦  
 稍密惟幹腹一事尚當加意元鳳奏近田應寅申乞重瀘叙以為  
 思播之援已行下制司區處○辛巳上諭輔臣屬官帶行朝取邊  
 閩容或有之內地帥閫雖有請亦不可從如武臣帶環衛閣取須  
 統兵帥守則可尋詔諸閫屬官帳前武臣並不許帶行內取令三  
 省樞密院遵守○九月壬辰四川制司奏西南蕃呂告蠻目寧名  
 天兄弟慕義合烏蘇蠻兵戰有功詔各補承信郎○甲午上諭  
 輔臣聞廣守多貪虐害民宜先汰其尤者元鳳奏敢不仰遵聖訓  
 ○丙申詔邕州守臣程希奪二秩罷○巳亥元鳳言淮閩近奏援

理宗寶祐四年



蜀之兵久戍負饗當議周恤上曰可即支撥付淮閩徑自遣給毋  
 令遲滯○已酉上諭輔臣近有言羅鬼不足恃者元鳳等奏置只  
 文德於沅靖置向士璧於歸峽城築之費甲兵之需無不應之正  
 所以爲此備也又聞黃平一路可通靖州已屢行下荆閩嚴作防  
 捍更當趣之○甲寅朱熠言境土蹙而賦歛日繁官吏增而調度  
 日廣景德慶曆時以三百二十餘郡之財賦供一萬餘員之俸祿  
 今日以一百餘郡之事力而贍二萬四千餘員之冗官邊郡則有  
 科降支移內地則欠經常綱解欲寬財力必汰冗員從之○十月  
 癸亥出封樁庫新錢兌便以濟民用○丙寅命錄進姚永慶上書  
 所言蜀中便宜事○乙亥上諭輔臣犯襄陽界郢係襄樊糧道  
 可行下措置爲援郢計○已如上諭輔臣吳淵奏北哨頗多想襄  
 陽守將多是閉城自守須據險設伏乘機攻擊使知所畏而遠○  
 癸未上問京湖無報抗奏向士璧申犯峽之懷遠恐其窺江元  
 鳳奏侵峽之哨即荆閩所報自格奴來者士璧慮其窺江不可不  
 防○十一月戊子朔以丁大全爲左諫議大夫吳玠翁應弼並除  
 監察御史○癸巳大季諸生復扣關上書○乙未上諭輔臣蜀報

宋監三十五

十一

犯岩州恐逼黎雅元鳳奏蒲擇之謂取道入大理已遣嚴逢將  
 兵緊守關隘矣○丙申詔季官申嚴季法戒飭諸生詔曰朕樂聞  
 切直豈厭人言近年臣下不能躰國惟務公報私植黨相顧蠱壞  
 士習季校儲才之地乃有蹈于非彝譎張爲幻亂政害民甚非教  
 育初意每念季校大賸未欲令有司施行今又相師成風背義趨  
 利憑虛駕空公論安在又令季官申嚴祖宗季法俾諸生安心隸  
 業遵守惟謹其有經明行修之士精加攷察拔其尤者以聞朕將  
 器使之若或怙終不悛自畔名教則正典憲亦非得已仍令三季  
 立石○詔正特奏名御試毋得更循舊制例以武功資帖比折陞  
 甲陞等○詔蜀有兵難民不聊生所當招集撫摩使之安業乃聞  
 官吏多端誅求殊失培植邦本之意下四川制司戒飭屬部違者  
 必罰無赦○乙巳以監察御史吳玠翁應弼言太武季生劉散等  
 八人拘管江西湖南州軍宗季生與伯等七人並削籍拘管外宗  
 司○癸丑日南至御大慶殿受朝賀以張福同知樞密院事丁大  
 全端明殿季士僉書樞密院事馬大驥端明殿季士同僉書樞密  
 院事○詔朕聞祖宗立法悉行寬厚惟贓吏之罰獨不少貸爲其

理宗寶祐四年



傳訪 勳望 之齊 蔡抗 去官

蠹國害民也朕待遇臣下未嘗不寬訓廉有銘正欲善誘不謂迹  
來貪風轉熾國與民俱匱而士大夫家益肥閒有號清流而居之  
汙濁尤甚朕何賴焉自今小大之臣各宜洗心滌慮毋縱于貨賄  
其或不悛有淳熙之法在幸而行之非朕得已也○詔開國以來  
勳臣之裔有能世濟其美不能世濟其祿者令所在州軍體訪以  
聞○詔參政蔡抗擅自去國勉留不返可除職守祠尋以中書舍  
人林存繳進奏寢其命○十二月庚申上諭輔臣蔡棗陽近調  
呂文德應援如何元鳳奏文德可任此責○熒惑犯填星○乙丑  
以張礪兼參知政事○庚午御射殿閱諸班直射藝換授有差○  
壬申詔百司庶府及諸道監司以下毋以私怒寄收入于縣獄有  
罪應收者結絕不許過三日○甲戌詔出封樁庫新造川會收換  
兩料川引○詔獎諭荆閩吳淵勅京襄首蜀尾吳國之屏蔽乃者  
邊人來告朕每注意未嘗不在襄有臣如卿恃以無恐卿血忱徇  
國賢於長城練兵偏裨指授方略距兵兩月以老北師驅之出境  
而以捷告朕甚嘉焉疆場之事一彼一此猶有晉在焉得定功卿  
能周慮熟思恃勝保境以圖萬全式副朕意其一行立功將士仰  
制司速開具聞奏次第議賞

寶祐五年正月丁亥朔御大慶殿受朝賀詔戒飭群臣凡可

以疏淪弊源剔除蠹穴興起天下之治者其儀圖之式副朕內修  
外攘之志○以趙葵為少保寧遠軍節度使京湖宣撫大使判江  
陵府兼夔路策應大使進封衛國公賈似道知樞密院事仍因任  
吳淵參知政事李曾伯湖南安撫大使知潭州○辛卯天基節御  
垂拱殿群臣上壽上曰吳淵奏幹腹支徑頗詳元鳳奏昨日準宣  
諭益并鐘鏞山等險隘已剗蒲擇之疾速措置○乙巳雷○丁未  
上曰春令未深雷已發聲元鳳奏此皆臣等燮調無補之咎上曰  
雷者天之號令自今號令之間加謹○詔雷發非時朕心惕然攷  
之易象所當赦過宥罪應諸郡有疾于罪者非犯惡逆自徒流以  
下並從減等行遣內有囚禁淹延者悉與斟酌事事從恕疎決監  
贓不及一千貫者蠲放○戊申上曰獄訟淹延亦能上干陰陽之  
和宜速與疎決元鳳奏昨日恭覩御筆攷大易雷雨作解之象奉  
行赦宥仰見陛下敬天愛民之意○己酉御後殿引見吏部奏奉  
改官四十三人○辛亥以吳淵薨輟視朝○二月戊午詔賈似道

寶祐 行寬 恤 疎決 獄訟

聖宗室第



御筆  
戒有  
司延  
及無  
幸  
禁官  
庶民

陞兩淮安撫大使。○庚申御筆蜀境奏凱而俞興城下之捷尤為奇偉朕甚嘉之。大中子也。向以父罪聊示薄懲今盡釋前過仍令制司具立功守將以下姓名來上。等第推賞尋賜余與金帶上。曰余與嘉定城下之捷甚偉。今盡釋大忠之罪不待其有請。元鳳奏陛下如此。處置直得御將賞功之道。○甲子上曰春防是時邊頭無報否。元鳳奏昨日淮關言北兵見駐兵河南不可不嚴為之備。○乙丑右正言戴慶炯言數十年來諸處戎帥專肆貪饕逼令軍人營運願申警戎帥嚴與禁戢軍債從之。○己巳上曰李遇龍奏溪蠻為所有欲為窺伺邕宜之計不可不預為之備。元鳳奏去秋已聞此說屢令徐敏子躡探虛實嚴為防拓又行下邕宜險要去處屯兵為不虞之備。○癸酉上曰賈似道奏渦口築城上環荆山下連淮岸險要可據。元鳳奏已畫旨令便興工。○三月癸巳上曰聞近畿頗有剽竊所當禁戢。元鳳奏此帥憲責也當令嚴切禁止。上曰可。○戊戌詔曰高宗皇帝克紹大業寵綏受民撫十世以中興恢旋乾轉坤之烈御六飛而南渡有擲風沐雨之勞定社稷以奠鼇極之安明統系以詒燕謀永豈有光復我家之盛未隆

宋高宗二十五年

十一

升陪卍室之儀。永言孝思稽古多闕所以採博士議郎之是酌人情禮制之宜。倣有夏之祀少康法元和之尊光武合一祖三宗而並侑有德有功則參天貳地之宏規不承不顯用秩元祀昭宣重光陟配而多歷年以陳常于時夏會通而行典禮將大饗于季秋。○己酉御筆朕聞政平訟理則民安其業告訐易俗則禮義興行近有司受詞多是並緣為奸延及無辜攤賴緡錢動以萬計是可忍也孰不可忍其耳目所接者已悉蠲放餘令御史臺覈察以聞。○庚戌上曰近日官府多以偏詞攤及平民不可不戢。元鳳奏偏詞豈可輕信須當公議並觀乞以御筆宣付史館從之。○四月庚申朝獻景靈宮。○壬戌上曰宜州守臣不可不擇。元鳳奏當擇有才略者處之否則用武將之有謀而曾經戰陣者。上曰然。○癸亥上曰格法當守弊例不可放行。元鳳奏凡有援例而法不可者臣未嘗曲徇之。○丙寅以並侑高宗皇帝奏告天地宗廟社稷。○丁卯詔高逵以白河戰功進右武大夫遙郡防禦使王登進官一等直秘閣。○戊辰御射殿闕諸班直射藝換授有差。○庚午上曰徐敏子行邊正為防秋計未可遽回。八桂元鳳奏已諭令未得便回。

理宗五年



須俟朝廷指揮○壬申上曰李遇龍奏楊禮舍苦竹隘而守吉平北兵有占禁苦竹之謀宜諭蒲擇之急為進守計以破其姦元鳳奏向來段元鑑克復此隘極為不易楊禮不應輕棄今擇之急作措置毋為韃所據當更趣之○甲戌詔以今年九月有事于明堂○丁丑上曰徐敏子遊邊恐緩急無人應援元鳳奏近敏子申以帥事委之機幕郡事委之倅貳區處已得宜今朝廷既撥錢應其調度敏子必能奮勵以圖事功不必別委他司恐徒成牽制上曰然○已卯上曰蒲擇之申韃窺苦竹隘乞調兵會合驅逐元鳳奏已下京湖調五千應援更當催趣及秋防未動速濟此事○閏四月丁亥上曰京湖調兵入蜀可更趣之元鳳奏若荆湖以兵少為難當於湖南調遣以補其數○已丑元鳳等上中興四朝志傳今上皇帝玉牒日曆會要實錄經武要略詔元鳳大全確似道天驥各進官二等○壬辰上曰李遇龍奏北兵窺劔門將築堡寨元鳳奏得蒲擇之報閏月初旬出師以朱襪孫監諸司軍擇之自以制司兵繼之上曰此事不可緩○御筆方今多事之秋非賢不又賴卿等作朕股肱耳目靖共爾位各迪有功宰執以公道行公法臺

宋史卷一百一十五

諫以公心行公論並仰躰高宗皇帝聖訓毋得合黨締交自貽伊感仍札御史臺元鳳奏恭觀御筆訓飭臣願自今進擬遵守舊規明注鄉貫非惟昭示公道亦可防閑吏奸○甲午上曰徐敏子行邊當令且留邕宜元鳳奏敏子近自邕趣宜融宜距靜江為近恐已回司昨劄令須過冬防上曰可趣回邕管○乙未謝奕昌為少保保寧軍節度使充萬壽觀使○戊戌元鳳等上進編修吏部七司條法○已亥上曰趙葵行邊已見的確如郢之增溪城濠運糧於襄有三年之積措置可謂合宜元鳳奏趙葵於邊事實是留意上曰葵近奏已調接蜀兵三千元鳳奏昨令調遣五千今恐未足用上曰已令增調矣○丁未上曰廣右之防橫山永平虎頭關最要切合先置堡寨然後屯兵元鳳奏當令措置○壬子上曰趙葵奏乞增招兵十萬分布淮蜀以江京湖元鳳奏當從其請錢糧自合與辦○五月壬午錄行在建康繫囚杖以下釋之○詔夏貴城築荆山剋期集事陞正任刺史○六月丙戌上曰昨晚有雨甚可喜元鳳奏伏中得雨田禾滋茂尤農家之幸○癸巳命侍從從卿監日一人禱雨于天竺山郎官詣霍山○甲午上曰蒲擇之已回重

聖宗至祐五年

聖宗至祐五年



慶宗峯尚未能取可惜失此機會然劍門之賞不可不從厚庶可  
激勸使之了辦寶峯一事元鳳奏敢不仰遵聖訓尋詔擇之進官  
二等餘陞轉有差○庚戌上曰昨日得雨甚好北關之外雨尤驟  
元鳳奏諸處已皆得雨連日陰雲四合雨意未已○上曰數日有  
邊報否秋成甚近不可不為備元鳳奏靡日不申做更當遵奉聖  
訓○壬寅御筆賈似道荆山成城義在懷遠繪圖來上殊用嘉歎  
可令李士院降詔獎諭○癸卯出封樁庫十八界楮幣二十萬貫  
賑部民三衙諸軍亦如之○丁未上曰余事曾契勘否元鳳奏去  
歲所糴視寶祐三年以前多三分之一今歲更當斟酌上曰可○  
己酉上曰數日來雨意又慳元鳳奏聞遠處霽足近地差少上曰  
有禱祈未遍更當奉行元鳳奏謹遵聖訓○七月乙卯上曰連日  
四郊多雨元鳳奏更須接續霽足則一稔無憂○錄中外繫囚○  
己未太白晝見○詔蠲諸路州縣民戶逋欠官賦○庚申上曰洪  
芹往桐川禱雨得雨甚霽元鳳奏守臣門迎御香之時雨即霽  
然仰見陛下念所感其應如響○辛酉上曰蒲擇之甚欲取寶  
峯以糧運不繼又值霖雨器械損弊因此中輟元鳳奏更看續報

宋史卷一百一十二

十一

○乙丑詔諸路關帥司招填軍額申嚴占借之禁○丙寅上曰與  
意言吳門得雨甚洽一稔可以確奏陛下敬天愛民有素固宜昭  
格○上曰朕宮中覽中外章奏未嘗敢自暇逸元鳳奏此堯舜文  
武兢兢憂勤之意也天下幸甚○庚午上曰昨日經筵有以邊臣  
久任為言者朕諭之曰李漢超守關南十七年郭進守山西二十  
年官皆止於觀察使久任邊臣乃祖宗馭將帥服夷狄之法也元  
鳳奏仰見陛下率由舊章之意○辛未上曰趙葵水陸並進其志  
頗銳元鳳奏葵思立功以報陛下良可嘉尚○甲戌上曰北人歸  
明曾授差遣而任已滿者可令保明上聞並與添差職任免令待  
次元鳳奏陛下至仁如天兼愛南北謹遵聖訓○丁丑上曰趙葵  
奏新野既捷欲養銳以圖光棗元鳳奏葵遣王登等入敵境焚其  
糧食亦可絕光棗之援若能審機而發當有可圖之理○戊寅上  
曰州郡所欠內帑項目甚多年遠者悉與蠲放其合解者可下諸  
路令隨正綱帶納○辛巳上曰聞有窺東川之意可下制帥諸  
司嚴為之備○八月丙戌上曰光化捷奏到朕令人諭以始命取  
光化今所報止此尚二勳圖元鳳奏陛下明謨雄斷如此闡臣心

宋史卷一百一十二



軫念  
軍民  
建慈  
如局  
之濟

上曰京湖之捷合與行賞元鳳奏容對酌擬進○已亥上曰昨日之雪高處所積甚厚連宵雨亦甚有濟元鳳奏雪雨應時最宜二麥○上曰朕閱班簿一廣頌闕監司須遴選可為帥臣之儲元鳳奏容審擇奏聞○以瑞雪應時出封樁庫十八界楮幣二十萬賑都民三衙諸軍亦如之○庚子以皇子忠王為遂安鎮南軍節度使○皇女進封昇國公主○甲辰上曰趙葵奏沅州有糧可以運發元鳳奏蒲澤之亦謂播川有糧呂文德正慮糧乏今既有此可以進師○戊申上曰付劄子言韓腹事及守臣有當易者元鳳奏已行下宣撫司呂文德既入播州而沅靖支徑尚多責令措置其守臣容嶽進○庚戌樞密院言諸軍逃亡多因招効無藝役使非時今後有捕獲及自首者令主帥審問如老疾即與放停其強壯而情輕者與放全請若將佐不能耐卹當議其罰詔令諸閫三衙及江上沿邊諸軍州廂禁軍一體遵守○十一月壬戌詔朕軫念軍民無異一體管令天下諸州建慈幼局平糶倉官藥局矣又給官錢付諸管置庫收息濟貧乏奈何郡守奉行不謹所惠失實朕甚憫焉更有斃於疫癘水災與夫歿於陣者遺骸暴露尤不

衍翁應弼可劄令日下供職仍劄本寺各差胥吏催促前來不許輒違君命○癸丑上問邊報元鳳奏趙葵親往點視閔隘北哨却未道上曰須攻擊使早退可也元鳳奏當趣之○辛酉大鄉于明堂赦天下○乙丑上曰明禋告成可慶元鳳奏皆陛下精忱感通天宇澄霽中外莫不忻悅上曰繼此當力行好事○戊辰上曰蒲擇之奏韃侵羅氏鬼國不可不為之備元鳳奏擇之報已多調兵往潼川如韃侵羅鬼則邀其後又劄播州嚴備令更下康湖諸處嚴作措置上曰可○甲戌上曰播州乞兵想事勢頗急元鳳奏此亦機會不可不亟與調遣上曰當令夾擊元鳳奏昨已令朱禔孫襲其後呂文德過其前此即聖訓所謂夾擊也上然之○戊寅以史嵩之薨輟視朝○已卯以王福為左金吾衛上將軍知和州吉文瑄主管殿前司郭濟主管侍衛步軍司○庚辰上曰王福得歷陽鄉郡聞以為榮元鳳奏陛下念其服勞殿陛十有餘年以此優之深得御將之道上曰吉文瑄郭濟之除如何元鳳奏甚愜公論○十月乙酉恭謝景靈宮○庚申張礪薨輟視朝○癸巳雷○甲午虹○丁酉以林存為端明殿學士食書樞密院事○戊戌雪○

理宗七 祐五年



軫念  
軍民  
建慈  
如局  
之  
濟  
負

上曰京湖之捷合與行賞元鳳奏容對酌擬進○已亥上曰昨日  
之雪高處所積甚厚連宵雨亦甚有濟元鳳奏雪雨應時最宜二  
麥○上曰朕閱班簿一廣頌闕監司須遴選可為帥臣之儲元鳳  
奏容審擇奏聞○以瑞雪應時出封樁庫十八界楮幣二十萬賑  
都民三衙諸軍亦如之○庚子以皇子忠王為遂安鎮南軍節度  
使○皇女進封昇國公主○甲辰上曰趙葵奏沅州有糧可以運  
發元鳳奏蒲擇之亦謂播川有糧呂文德正慮糧乏今既有此可  
以進師○戊申上曰付劄子言幹腹事及守臣有當易者元鳳  
奏已行下宣撫司呂文德既入播州而沅靖支徑尚多責令措置  
其守臣容熾進○庚戌樞密院言諸軍逃亡多因培効無藝役使  
非時今後有捕獲及自首者令主帥審問如老疾即與放停其強  
壯而情輕者與放全請若將佐不能拊卹當議其罰詔令諸閫  
三衙及江上沿邊諸軍州廂禁軍一體遵守○十一月壬戌詔朕  
軫念軍民無異一體管令天下諸州建慈幼局平糶倉官藥局矣  
又給官錢付諸營置庫收息濟貧乏奈何郡守奉行不謹所惠失  
實朕甚憫焉更有斃於疫癘水火與夫歿於陣者遺骸暴露尤不

忍聞也可行下各路清強監司嚴督諸守臣宣制安撫嚴督主兵  
官並要遵照元降指揮如慈幼則必使道路無啼飢之童平糶則  
必使小民無艱食之患官藥則劑料必真修合必精軍庫收息則  
以時支給不許稽違務要公平則不許徇徇度若民軍皆蒙實  
惠仍令召募諸寺觀童行有能瘞遺骸及百副者所州縣保明  
備申尚書省給度牒一道以旌其勞可備坐指揮各知悉○甲  
子以上安南國表章詞意恭順可令學士院降詔獎諭○乙丑上  
曰賜安南國獎諭合有嘉賚元鳳奏令茲錫賚蓋出特恩須用金  
器幣香茗之類上曰可斟酌擬進○丁卯上曰邊烽未靖恐郵遞  
稽滯不可不申嚴之元鳳奏當下諸閫計程限日毋得遲滯○癸  
酉上曰諸將提兵征討當直入播境須令追襲進勦仍撫循諸蠻  
不可縱軍士搔擾以失其心元鳳奏謹遵聖訓勉飭之○甲戌上  
曰上流之報稍寬正方是自治之歲月元鳳奏邊事當無日不申  
徹○乙亥上曰昨日付黃平圖本其間險要處皆當置屯元鳳  
奏黃平清浪溪三處當審度緩急分置大小屯已令宣司作急區  
處○十二月辛巳朔上曰廣右備御及此少暇宜立規模合閫置

理宗寶祐五年



軍功不許非

元鳳大箱

屯當行事節可擬進元鳳奏容許以聞○以李曾伯為資政殿  
李士湖南安撫大使兼廣南制置大使置司靜江府○戊子雪西  
湖水合○丁酉詔三衙及江上諸軍應從軍取事並要戰功及隊  
伍中人不許以任子雜流非泛補授其離軍者止許授不厘務差  
遣果有材略功績從制閩保明却與厘務○甲辰雨上曰今日立  
春得雨歲事可期元鳳奏早來既雨而霧氣又滃鬱此地氣上騰  
之象也○丁未癸感入氏

寶祐六年正月辛亥朔御大慶殿朝賀以丁大全為參知政  
事兼同樞密院事林存兼權參知政事下詔戒飭群臣○癸亥詔  
出封樁庫銀一萬兩付蜀閩○詔趙景緯屢辭召擢雅志嘉尚特  
改京秩○辛未上曰印應非報窺安南有的報否元鳳奏李曾  
伯已啓行日夕必有報聞安南遣兵禦敵勝負未知然吾國之備  
不可不密○癸酉上曰黃平之屯如何元鳳奏趙葵申霍友諒已  
回沅州同呂文德區處朝廷且議專官相度上曰可擇忠實詳練  
者擬進○御後殿引見吏部奏李改官四十二人○甲戌詔呂逢  
季往黃平督趣就點視四川隘寨相度思播隘要知甕左如鹿通

鹿廣宇翅鹿盤州等處孰為要會趣辦工役毋令踈漏○已卯都  
省言牧民馭軍各有職守年來頗多侵越管軍司存勳軍行以預  
民事是非顛倒科役無藝耗傷根本莫此為甚詔宣制諸司嚴行  
禁戢除兼領州縣外有侵越擾民者指實以聞○二月辛巳朔詔  
禮部貢奉○以馬光祖為端明殿李士京湖制置使知江陵府兼  
夔路策應使湖廣總領○三月辛亥朔命臨安守臣禱雨于天竺  
霍山○甲寅命侍從卿監日一人禱天竺山郎官詣霍山○乙卯  
錄行在繫囚○庚申詔出封樁庫十八界楮幣二十萬賑三衙諸  
軍○辛酉錄中外繫囚○四月庚辰朔詔曰當春不雨天變異常  
靡神不宗僅見霖霖有妨東作自遂西成民命繫焉朕心惕若念  
厥咎之安在惟反躬而省愆以食起居何敢由舊可自四月一日  
避殿減膳仰蒼謹告之意以陰陽之和○癸未元鳳等言雨澤  
愆期乞解機政詔不許○丁酉群臣請御正殿復常膳表三上乃

從之○詔思應已特差思州駐劄御前忠勝軍副都統制往播州  
同共修築閘隘措置備禦○辛丑程元鳳罷以觀文殿大李士判  
福州尋提李洞霄官○丁未以丁大全為右丞相兼樞密使林存

理宗寶祐六年



同知樞密院事兼權參知政事朱熹端明殿學士僉書樞密院事  
○少保寧遠軍節度使衛國公趙葵充醴泉觀使兼侍讀○五月  
庚戌朔上曰襄樊解圍俘獲甚多將士用命深可嘉尚大全奏乞  
下京湖制臣亟與推賞以示激厲○癸丑詔懷遠漣水相繼獲捷  
夏貴進官二等兼河南招撫及毛與特轉右武大夫○乙卯大全  
奏襄樊之圍已解高達程大元有援樊之勞李和有守樊之功當  
與議賞上曰賞不踰時所以勵將士也卿等亟議以聞○丙寅詔  
與芮判大宗正事○辛未兩上曰連日得雨在廩沾足歲事必可  
望大全奏得雨豐年之兆但此番城都之戰有拔木之風石子之  
雨破擅乘之膽此又天祐中國之意○甲戌上曰李曾伯奏欲屯  
萬兵於欽州以為交人聲援大全奏昨朝廷令就欽州屯兵正與  
曾伯所奏同但兵數更須斟酌上曰秋風不遠宜早區處○六月  
辛巳上曰安南求援之情頗切所當嚴兵以待大全奏糧食未到  
所調戍兵未行見此催督上曰此事不可頃刻緩○乙丑上曰襄  
樊之賞狀來上可斟酌行之大全奏睦于單騎入北營諭以禍福  
亦可嘉尚欲以五官賞之接師至城下而圍已解亦當薄酬其勞

宋史卷一百一十五

○丙申上曰元鳳力辭之命已命其請今須擇碩德重望者以鎮  
之其資淺望輕者不可輕畀大全奏誠如聖諭○七月庚戌潼川  
帥臣朱禔孫言長寧軍自辦飛器械造器具修築凌霄城圍備詔  
易士英特帶行閣門宣贊舍人朱文政宇文同祖各進官一等楊  
震郊等七人減磨勛將士支槁有差尋詔禔孫進官一等○丁巳  
詔諸路監司守臣不許妄作名色擅支官錢互相饋賂予者受者  
並計贖論遇赦不原令御史臺覈察○己未上曰邇來百僚類多  
玩愒廢事卿宜飭勸俾各供乃職李官則嚴與教導史館則勤於  
修纂倉庫則謹於出納必如是則官無曠時不致食焉怠其事也  
大全奏敢不恭承明命○甲子上曰蜀中將士不解甲者數月允  
為可念大全奏當議厚丙寅上曰近來邊報如何大全奏諸  
關之報不一但二邊有兵上曰母恃其不來恃吾有以待  
之○八月戊寅朔上曰安南之事固不可不防諸蠻亦不可不  
得其心大全奏孟軻有曰固國不以山谿之險○庚寅上曰成都  
係蜀安危不可不亟圖之大全奏朝廷牙已示勸何事不可為○  
戊戌上曰上流之報日急鎮江之二十年不曾奉行今不容不

寶宗室祐六年



嚴為之備大全奏已令聞臣亟作措置矣○癸卯上曰邊郡禁軍  
聞多闕額所當招填及數大全奏已下詔關招期足元額上曰  
須時時趣之○都省言倭船入界禁令素嚴比歲慶元船司但知  
怵於博易抽解之利聽其突來洩販銅錢害甚大詔令沿海制  
司於濱海港汊嚴切禁

備禦海道不可不防大  
已劄諸水軍各備險要矣上曰不可  
不急作措置○丁卯詔平糶倉米二萬九千九百石有奇賑糶  
以收弊楮○已巳詔京城弊楮不堪行用於封樁庫支撥兩界好  
會盡數收換詔出權貨務楮幣一百万賑三衙諸軍○十月丙子  
朔上曰蜀中將帥雖未克復成都而暴露日久戰功亦多合與序  
陞大全奏謹遵聖諭○乙酉詔首言知隆慶府楊禮守安西保

兵搏城招誘投拜禮憤激詔罷率諸將共射退之詔楊禮進官二  
等仍下諸部以勸其餘○丁亥上曰張實又陷北地今車騎來歸  
忠赤可尚大全奏所當嘉獎為和州防禦使○庚寅都省言廣  
南制置大使司鎮撫劉雄飛提三親入橫山分遣將士迎戰殺獲  
頭目軍器詔雄飛進官二等將士增秩賞賚有差○辛卯都省言

淮民避難過江轉徙可令  
府常州江陰軍各山峩倉米千  
石賑之○是夜月有食之○壬辰上曰夜來太陰之九分太史  
常預言之以此見星翁曆象之亦無差舛大全奏願陛下修政  
以攘之○十一月己酉詔新築黃平賜名鎮遠州以逢年進一  
○辛亥詔流民渡江出浙西江米各郡守臣  
賑之○壬子御筆以隆慶  
元降詔撫諭諸閩○甲寅

詔淮民迂避暫泊江陰  
北編再出米二千石賑之  
○丙辰分委朝臣編詣郡  
雪○壬午以賈似道為樞密使兩  
淮宣撫大使朱熠同知樞  
密事兼權參知政事魏虎臣為  
殿李士簽書樞密院事  
詔諸路憲司廉訪所部州縣毋得  
虐民仍禁止攤賴之害  
○癸酉兩淮制臣賈似道奏准

境肅清前後諸捷凡獲  
計甲萬計奪回被掠者二千餘  
人○甲戌上曰維揚之捷可喜但聞蜀中苦竹隘見被圍朱熠奏  
東淮有用命之將所以屢奏捷今王登提入蜀必有規模可寬  
聖慮○十二月丙子朔詔曰勅門下更七則可善所以開太平  
之期發號而定告元所以膺經紀之

續誕保受民荷  
運至玉祐六年



上帝之降康家列聖之垂佑既歷二孔夙力皇寧底綏四方

淵冰未知收濟每競競而行道期穆迨心牙為祭文審已而庶

政靡吝務本重農而群生寡遂朝細降祭禋祭禘祭於懷私國

勢僅定而未強邊戢多重而未靖思艱以四拜祭禘祭禘祭而文祭六偏

惟三百年德澤之深式考今日而万倍載基司之示昭受

於天休欲通變於宜民初而凝命若稽成憲巡璿駭亮藝

祖之宏規混車書之一以鍾仁祖之盛際致朝野之咸和爰只嘉

名以興嗣歲遵仰善氣如研心茂凝常久之功亦志輯每之由

其以明年正月一日改至元元下外都少言慮川陣水耳

擣穎攻沂獲捷其律召和乃豈州要衝不可不設一

上轉安巡軍承宣使○一也以為備御之計八全奏六矣

向士壁不待朝廷命進師歸州言在度地里奏聞○丁亥上曰

尚又都省言馬光祖不待請大廷招兵萬人防州有警又捐俸

募士以敵詔光祖上壁各進一等

增入名儒講義續資治通鑑長編卷之三十五







